

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

Aningaasaqarnermut tunngasut

- Imm. 04** Sisimiuni upalungaarsimanermut inspektørimik atorfinitsitsineq.

Suliassat nalinginnaasut

- Imm. 05** Naalagaaffiup tapiissutaasa nutaamik naligiissaartalernissaannik aamma sinaakkutaqalernissaannik eqqarsaatigisat.
- Imm. 06** 2014-imi aasaanerani ukiaaneranilu aamma 2015-imi ukiuunerani piffissat piniarfiusussat aamma tututassiissutit umimmattassiissutillu tusarniaassutigineqarnerat.
- Imm. 07** Qimmeqarfiup eqqaani Kaaliikassaallu Aqq. aqquserngit taaguutaat.
- Imm. 08** Qeqqata Kommuniani kommunip allaffiini erfalasoqartarneq.
- Imm. 09** Imigassamik sassaallersinnaanermut qinnuteqaat – Panikantina Timersortarfik.
- Imm. 10** Oqaluuserisassatut siunnersuut – Maniitsumi Aalisartut Aqquutaanni kranip taarserneqarnissaa.
- Imm. 11** Oqaluuserisassatut siunnersuut – Sisimiuni umiarsualiviup iluani puttasut
- Imm. 12** Oqaluuserisassatut siunnersuut – Qeqqata Kommuniani arsaattarfiit ivigaasanik sanaat pilersinneqarnissaannut misissuisoqarnissaa.
- Imm. 13** Oqaluuserisassatut siunnersuut – Pitsaaliuinermi ataatsimiititaliat ataatsimut naapisinneqarnissaat.
- Imm. 14** Oqaluuserisassatut siunnersuut – Qeqqata Kommuniani inulerineq pillugu seminareqartitsinissaq.
- Imm. 15** Oqaluuserisassatut siunnersuut – Atammimmi sannaviup innaallagissamik attavilerneqarnissaa.
- Imm. 16** Oqaluuserisassatut siunnersuut – Maniitsumi qamussuit.
- Imm. 17** Apeqquteqaat – Maniitsumi inuusuttut ornittagaat.
- Imm. 18** Apeqquteqaat – Maniitsumi Nipilersornermut ilinniarfissaq

Paasissutissiissutit

- Imm. 19** Utoqqaat Angerlarsimaffiata allissutissaa - Ileqqaaruteqarnissamut periarfissat aningaasaliussat 16 mio. kr.-nik annertussuseqartut sippunnginnissaat pillugu passissutissiissut.
- Imm 20** Najugaqarnermut uppernarsaammik pisisarneq (Qarasaasiaq atorlugu).
- Imm. 21** Tamalaat.



Ataatsimiinneq Maniitsumi kommunalbestyrelsip ataatsimiittarfiani ingerlanneqassaaq
aallartissallunilu nal. 8:30

Peqataasut:

Atassut

Inuit Ataqaatigiit

Siumut

Nalunaaruteqarlutik peqataannngitsut:

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Imm. 02 Borgmesterip nalunaarutaa

Aalajangiineq

Imm. 03 Ataatsimiititaliani siulittaasut nalunaarutaat

Aalajangiineq

Imm. 04 Sisimiuni upalungaarsimanermut inspektørimik atorfinitsitsineq

Journalnr.

Tunuliaqutaq

2014-imi januaarip aallaqqaataani Sisimiuni innuttaasut 5.524-upput (Kalaallit Nunaanni Naatsorsueqqissaartarfik), Maniitsumilu innuttaasut 2.530-ullutik. Sumiiffinni marluusuni stationimi aqutsisumik garagemesterimillu assigiimmik sulisoqarput.

Sisimiuni ilaatigut innuttaasut amerlanerupput illoqarfillu anginerulluni, taamaalilluni suliassat amerlanerullutik, tamanna tungavigalugu Sisimiuni nunaqarfiinilu, Itilleq Sarfanguillu, sumiiffinni suliassanik isumaginnittussamik upalungaarsimanermut inspektørimik pisariaqartitsisoqarluni.

Maleruagassatigut tungavissat

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoor-nissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq

Pissutsit atuuttut

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoor-nissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq naapertorlugu, kommuni upalungaarsimanermut pisortamik, taassumalu ikiortissaanik indsatsleder-inik marlunnik atorfinitsitsissaaq.

Upalungaarsimanermut pisortatut atorfik ulloq naallugu atorfiuvoq, Sisimiuni nunaqarfiinilu aamma stationimi aqutsisoq ulloq naallugu atorfiulluni, piffissamilu matumani stationimi aqutsisutut atorfe-qartoq upalungaarsimanermut pisortaavoq.

Tamatuma saniatigut upalungaarsimanermi pisortaq Sisimiuni sanaartukkanik suliaqarnermi ikual-lattoqarnissamut sillimaniarnermut suliassanik isumaginnittassaaq, taamatullu Sisimiuni nunaqarfi-inilu ikuallattoqarnissaanut nakkutilliisassalluni.

Taamaalilluni upalungaarsimanermut pisortaq ulloq naallugu marlunnik atorfeqarluni, Sisimiuni qatserisartuni allaffissornikkut suliassanik tamanik tigumminnittuuvoq.

Upalungaarsimanermut pisortap Sisimiut nunaqarfiilu pillugit allaffissornikkut suliaanik upalu-ngaarsimanermut inspektøri ikiuussinnaassagalarpoq.

Sisimiuni upalungaarsimanermut inspektøri biililerisutut ilinniarsimasuuvoq, taamaalilluni biiliutit-sinnik biilileriffimmi annertuumik aningaasartuuteqarluta suliaritittarnerinik aserfallatsaaliisarnit-sinnik isumaginnissinnaassalluni.

Atuilluartuunissakkut kingunerisinnaasai

Upalungaarsimanermut pisortamut ikiortissatut upalungaarsimanermut inspektørimik atorfinitsitsi-nermi, upalungaarsimanermut pisortamit nukissaqalersitsissagalarpoq, taamaalillunilu Qeqqata Kommunia Qatserisartunut siumut sammisumik ineriartortitsinissamut periarfissaqalissagalarpoq, taamatullu sanaartukkanik suliaqarnermi ikuallattoqarnissamut sillimaniarnermut nakkutilliinissa-mullu pinaveersaartitsinissamut suliaqarsinnaalissalluni.

Tamatuma saniatigut Sisimiuni nunaqarfiinilu suliffeqarfinnik paaqqinnittarfinnillu toqqammaviu-sumik qamisaasarnermut pikkorissartitsinermik neqerooruteqarsinnaavoq, siunissarlu eqqarsaatigalugu paaqqinnittarfinnut upalungaarsimanissamut mappimik suliaqarnissamik neqerooruteqarsinnaalluni, taamaalilluni pinaveersaartitsinermut suliaqarneq siumut ingerlanneqarsinnaassalluni.

Aningaasaqarnikkut allaffissornikkullu kingunerisinnaasai

Atorfinititsinermi akissarsiaqartitsinikkut aningaasartuutit 300 tkoruunit missaanik qaffariaateqasapput, tamannalu tunngavigalugu immikkut aningaasaliissutinik qinnuteqarnissamik pisariaqartitsissalluni. Illuatungaatigulli biililerisutut ilinniarnikumik, biilineriffimmi iluarsartuussinermi aserfallat-saaliinissamillu isumaginnissinnaasumik atorfinititsinermi, biilineriffimmi iluarsartuussinermi aserfallatsaalisitsinermilu annertuumik aningaasartorfiusunik sipaaruteqartoqarsinnaavoq. Periarfissaasinnaasorlu tassaavoq, Maniitsoq assigalugu upalungaarsimanermut inspektøri garagemesterilu ataatsimoortinneqarnissaat. Taamaalilluta garagemesteri soraarsittariaqassavarput kontomiillu tassannga akissarsiaqartitsinikkut aningaasartuutit 2/3-ia matussuserneqarsinnaallutik. Isiginnittaaserput naapertorlugu allaffissornikkut kingunerisinnaasai tassaapput, Sisimiut nunaqarfiinullu tunngatillugu, upalungaarsimanermut inspektørip ulluinnarni allaffissornerit, soorlu konteeriinerit akiligassanillu atsiorderit ingerlassinnaassallugit. Qeqqata Kommunianut allaffissornikkut kingunerisinnaasai tassaapput, upalungaarsimanermut inspektørimut inuttassarsiuussinermik suliaqarneq, inuttassarsiuussineq atorfinititsinerlu, upalungaarsimanermut inspektøritut piukkunnaatilimmik peqareernerput tunngavigalugu, allaffissornikkut suliassat sumiiffimmi intranetsikkut ingerlanneqarsinnaapput.

Qullersaqarfiup oqaaseqaatai

Annerusumik oqaaseqaatissaqanngilaq

Allaffeqarfiup naliliinera

Allaffeqarfiup innersuussutaa

Innersuussutigineqarpoq, paasissutissiissut tusaatissatut tiguneqassasoq

Upalungaarsimanermut kommissionip suliamik sularinninnera

Upalungaarsimanermut kommissionip innersuussutitalerlugu Teknikkimut Avatangiisinullu Ataatsimiititaliamut, Aningaasaqarnermut Ataatsimiititaliamut Kommunalbestyrelsimullu suliaq ingerlateqqippaa.

Teknikkimut Avatangiisinullu ataatsimiititaliami suliap sularinera

Teknikkimut Avatangiisinullu Ataatsimiititaliap maajip 13-ani 2014-imi ataatsimiinnermini innersuussut akuersissutigivaa.

Aningaasaqarnermut ataatsimiititaliami suliap sularinera

Aningaasaqarnermut Ataatsimiititaliap maajip 20-ani 2014-imi ataatsimiinnermini innersuussut akuersissutigivaa.



Innersuussut

Kommunalbestyrelsimut akuersissutigeqqullugit innersuussutigineqarput

2014-imi missingersuutini ukiunilu tulluuttuni missingersuusiorfiusuni 100.000 koruunit sillimaniarnermut immikkoortup ataatsimut konto 25-01-00-25-99-imiit Sisimiuni qaammammut aningaasaarsianut 25-01-10-01-10-mut nuunneqassasut

Sisimiuni garagemesteritut atorfik upalungaarsimanermit inspektøritut/garagemesteritut ataatsimoortillugu atorfimmuq qaffanneqassasoq

Aalajangiineq

Ilanngussaq

Ilanngussaqanngilaq



Imm. 05 Naalagaaffiup tapiissutaasa nutaamik naligiissaartalernissaannik aamma sinaakkutaqalernissaannik eqqarsaatigisat

Journalnr.

Tunuliaqutaq

Aningaasaqarnermi pisortat aningaasaqarnikkut aqutsinerat pillugu pitsaanerusumik suleqatigiinnissamut, Politikkikkut Ataqatigiissaarisumik suleqatigiffimmi Naalakkersuisut kommunillu isumaqatigiipput. 2013-imi ilaatigut Hvidbog-ip suliarineqarnera aammalu Kommuneqarfik Sermersooq-mit Kommune Kujalleq-mut Qaasuitsup Kommunianullu agguasseqqinnikkut kommunit akornanni naligiissaarineq sammeneqarpoq.

Naalagaaffiup tapiissutaasa nutaamik naligiissaartalernissaannik aamma sinaakkutaqalernissaannik suliaqarnissaq pillugu, 2013-imi decembarip naalernerani politikkikkut ataqatigiissaarisumik suleqatigiiffik sulisorisatut suleqatigiissitamik aallartitsivoq. Namminersorlutik Oqartussanit, kommuninit KANUKOKA-miillu sulisorisanit allaffissornikkut suliaqarneq ingerlanneqarpoq. Suliap ingerlanneqarnerani BDO siunnersortaavoq, taamatullu paasissutissanik ataatsimoortitsilluni allattuisuulluni.

2014-imi maajip 25-ni politikkikkut ataqatigiissaarisumik suleqatigiiffiup kingullermi ataatsimiinngilaataani, allaffissornikkut aqutsisooqatigiit suliarnik tunniussipput. Politikkikkut ataqatigiissaarisumik suleqatigiiffik tullissaanik 2014-imi aggustip 11-ani ataatsimiinnissamini suliap suliarineqannginnerani, kommunit suliarnik politikkikkut suliarinnissaannik periarfissianniarlugit politikkikkut ataqatigiissaarisumik suleqatigiiffik aalajangiivoq.

Maleruagassatigut tunngavissat

XXX

Pissutsit atuuttut

Maannakkut naalagaaffiup tapiissutaasa naligiissaarisarnermut aamma sinaakkutaanut ilusaa paasiuminaassimavoq, illuinnarsiortuuvuq kiisalu kisitsisitigut oqimaaqatigiinngitsuulluni. Tamatuma kingunerisaanik ukiuni kingullerni assigiinngissuseq annertusiartorsimavoq, kommuninilu kiffartuussinerup pitsaassusaanik aamma assigiinngissitsilersimalluni. Namminersorlutik Oqartussat Aningaasaqarnikkut inatsimmi sanaartornissamut missingersuutit illoqarfimmut pingaarnermut annertunerit pingaarnersiorneqarneratigut pissutsinik ajornerulersitsillunilu assigiinngissitsinermik annertusisitsivoq.

Kommuninut ataatsimut akileraarut qanga atugaasimasooq iluseritinniakkami nutaami atorunnaartussaatinneqarpoq. Tamatuma saniatigut DUT atorlugu periutsit naapertorlugit periusissaq suliarineqarpoq. DUT atorlugu periutsip kinguneraa, Namminersorlutik Oqartussat kommuninut pituttuisumik maleruagassanik allannguiguni, taava kommuninut ataatsimut aningaasaqarnikkut kingunerisinnaasai naapertorlugit kommuninut naalagaaffimmit tapiissutit aaqqiivigineqassasut.

Iluseritinniakkamut ataatsimut kommunit isumaqataanngillat, tassa suut iluseritinniakkami ilanngunneqassanersut suullu peerneqassanersut, tamatumunnga atatillugu periarfissat marluupput. Iluseritinniakkamut ilanngussinissamut atatillugu periarfissat marluupput, tassaallutik namminersortut pilersitaannik akileraarutit iluseritinniakkamut ilanngunneqassanersut imaluunniit ilanngunneqassannginnerisut (Imm. 7.1 aamma 7.2-mi iliuuseq 1-imi 2-milu taakkartorneqartut) iluseritinniakkamit peerneqartussanut atatillugu periarfissat marluupput, tassaallutik inuiaqatigiit agguataarnerisa 80 imaluunniit 50 procentiussasut, taamaallutik isumaginninnikkut/sananeqarnermik aallaaviusut ataatsimut 20 aammalu 50 procentimiissallutik.

Taamaalillutik iluseritinniakkat pingaanerit sisamaalerput, oqaaseqaatip tunuani ilisaritinneqartut:

Iluseritinniakkamit peertussat / iluseritinniakkamut ilanngunneqartussat	Iliuuseq 1	Iliuuseq 2
Inuiaqatigiit agguataarneri 80%	Tabel 33	Tabel 35
Inuiaqatigiit agguataarneri 50%	Tabel 34	Tabel 36

Atuilluartuunissakkut kingunerisinnaasai

Inuiaqatigiinni taamak annertutigisumik assigiinnigissitsineq, naalagaaffiullu tapiissutaanik illoqarfimmi tiguneqartartuni nunap pissarititaanik pingaarnersiuisarneq atuilluartuunngilaq – sumiiffinni inuussutissarsiornikkut inerisaanissamut piukkunnartoqarfinnut pingaarnersiorneqaratik. Nunatta ineriartortinneqarnissaanut annertunerusumik assigiissarinissaq pingaaruteqarluinnartuuvoq.

Iluseritinniagaq atuilluartuunerusumut saatsillugu inerisarneqarsinnaavoq, assersuutigalugu inuiaqatigiit agguataarnerisa immikkoortunut aggnorsorneritigut, taamaalillutik innuttaasut utoqqaassusaanik agguataarneqarnerani kommuninut annertuumik aningaasartuuteqartut naalagaaffiup tapiissutaanut assigiissaarneqarnerussalluni. Assersuutigalugu kalaallit kommuniini qallunaallu naligiissarineratulli, utoqqaq 90-inik ukiulik 65-inik ukiulimmit annertunerusumik aningaasartuuteqarfiusarpoq. Siunnersuummi matumani 65-inik sinnerlugit ukiulinnut aningaasartuutit kommuninut tamanut assigiissaartillugit suliarineqarpoq (ilanngussami 1/BDO notat qallunaat iluserititaat ilanngussaq 2-mut sanilliullugu tabel 17 takuuk)

Aningaasaqarnikkut allaffissornikkullu kingunerisinnaasai

Naatsorsuutigineqarallartut takutippaat, iliuuseritinniagaq sorlerluunniit toqqarneqassagalarpat, tamanna Qeqqata Kommunianut annertuumik aningaasaqarnikkut eqquissasoq. Naatsorsuinernut atatillugu nalorninartoqarpoq, piffissamilu aggersumi tamanna kingunerisassanut naatsorsuinertigut ersarissarneqarumaarpoq. Maannakkulli naatsorsuutit naapertorlugit, ilimanartumillu inaarutaasumik naatsorsuutini Qeqqata Kommunianut allanut sanilliullugu tapiiffigineqartarnissaa annikinnerussasoq kingunerissallugu.

2010-2014-imut Kangerlussuarmi kuuffissuarnik iluarsartuussinissamut Qeqqata kommunia immikkut naalagaaffiup tapiissutaanik salliutinneqarsimavoq. Tamanna ukioq manna unitsinneqartussaavoq, tamannali tunngaviatigut Aningaasaqarnermut inatsisitigut sanaartornermut aningaasaliinikkut ingerlanneqarsinnaasimagaluarpoq, naalagaaffiup tapiissutaatiguunngitsoq. Tamatuma saniatigut PPR-imut innarlutillit immikkoortortamullu atatillugu, immikkut naalagaaffiup tapiissutaatigut isumaqatigiissuteqarfigineqarluni salliutinneqarsimavoq, tamannalu iluseritinniakkami nutaami DUT atorlugu periuseqarnikkut atorunnaarsinneqassaaq.

Qullersaqarfiup oqaaseqaatai

Annerusumik oqaaseqaatissaqanngilaq.

Allaffeqarfiup naliliinera

Allaffeqarfiimmit nalilerneqarpoq, iluseritinniagaq naalakkersuisut pilersitaannik akileraarutinit iluseritinniakkamut immiussat kiisalu iluseritinniakkamit inuiaqatigiit agguataarneri aammalu isumaginninnikkut/sananeqarnermik aallaaviusut 50/50 missaaniittut silatusaarnerusoq, taamaalillunilu piaartumik atuutilersinneqartariaqartoq. Aallaavittut notatimi takussutissiaq 36-ussalluni.

Allaffeqarfiup nalilerpaattaaq iluseritinniagaq inaarsarneqartariaqarlunilu arlalitsigut inerisarneqartariaqartoq:

1. Suliffeqarfiit 50-it sinnerlugit sulisoqartuinnaangitsuni suliffeqarfinni naalackersuisut pilersitaanni tamani inuit akileraartarneraanneersuusussaassagaluarpoq,.
2. Naalagaaffiup suliffiutaani inuit akileraarutaat aamma naligiissaarneqartariaqarput
3. Innuttaasumut ataatsimut kommunimut akileraarutip qaffanneqarneranut sunniutai, kommuninut tamanut assigiikannertariaqarput
4. Inuiaqatigiit agguataarnerisa aallaaviginerat utoqqaassuseq malillugu immikkoortunut aggnorsorneqassapput, taamaalillutik kommunip aningaasartuutaannut annertunerusumik naapertuutilissallutik
5. Isumaginninnermit/sananeqarneranut aallaaviusut taamatuttaaq inerisarneqassapput, taamaalillutik kinaassusersiunngitsunik paasissutissanik toqqammaveqassallutik
6. Isumaginninnermit/sananeqarneranut aallaaviusut maannakkut aallaaviusunit sisamaasunit aallaavinnik amerlanerusunik toqqammaveqartariaqarput, taamaalilluni iluseritinniagaq aallaavinnik ataasiakkaanik allannguinermi malussarissuussanngilaq

Allaffeqarfimmit nalilernerqarportaaq, Kommuneqarfik Sermersooq suleqatikkuminaatsoq. Tamatuma saniatigut Kommuneqarfik Sermersooq tusagassiutitigut sulisorisatut suleqatigiiffinnut suleqatiminnut pissuserissaangitsumik politikikkut nalunaaruteqarlutik eqqartuisimapput. Isumaqatiginninniarnerni Kommuneqarfik Sermersooq peqataasimavoq, Namminersorlutik oqartussallu qanimut suleqatigalugit, kommunimut pingaarnermut iluaqutaasussamik isummernernik ilanngussisimalluni,

- Assersuutigalugu, notatini sisamaasuni marluk ilusiliinerit immikkut naligiissitsineqanngitsut aamma namminersortut pilersitaannik akileraarutitaqanngitsunik imaqarput, naak kommunini sisamaasunit kommunit pingasuusut tamanna innersuussutigaluarat
- Assersuutigalugu, notatini sisamaasuni marluk iluseritinniakkani inuiaqatigiit agguanneri qaffasissumiittut, naak kommunini sisamaasuni, kommunit pingasuusut inuiaqatigiit agguanneri appasissumiisinneqarnissaat innersuussutigaluarat
- Assersuutigalugu, ilusiliamat nutaanngitsumut sanilliullugu, iluseritinniakkami nutaami inuiaqatigiit agguannerisa kingunerisaanik aningaasartuutit procentinngorlugit appasinnerusut (takuuk takusutissiaq 16)
- Assersuutigalugu, iluseritinniakkami nutaami Namminersorlutik Oqartussat illoqarfinni pingaarnerusumi kulturikkut suliffeqarfinni akiliutaat ilaatinneqanngilaq, naak siusinnerusukkut tamanna naalagaaffimmit tapiissutinik Nuummut tunniussisarnermut appasinnerutittarneranut tunngaviusaraluartoq
- Assersuutigalugu, iluseritinniakkami siuliani pitsanngorsaatit arfiniliusut, iluseritinniakkamut maannamut ilaatinneqanngillat

Taamaakkaluartoq ikinnerussuteqartumik oqaaseqaammik kinguneqarpoq, tassani ”Kommuneqarfik Sermersuup sinniisua aperineqarsimanngilaq”-mik aallaqqaasiilluni. Tamanna peqqarniitsumik uukapaatitsiniaaneruvoq.

Innersuussut

Allaffeqarfimmit innersuussutigineqarpoq, Aningaasaqarnermut ataatsimiititaliaq sinnerlugu borgmesteri akuersissuteqassasoq, Kommunalbestyrelsimiillu inaarutaasumik akuersissutigineqarnissaanik innersuussissasoq, politikikkut ataqatigiissaarisumik suleqatigiiffimmut nalunaaruteqartoqassasoq



Naalagaaffiup tapiissutaasa nutaamik naligiissaartalernissaannik aamma sinaakkutaqalernissaannik iluseritinniagaq, naalakkersuisut pilersitaannik akileraarutininik isertitanik inuiaqatigiit agguataarneri aammalu isumaginninnikkut/sananeqarnermik aallaaviusut 50/50 missaaniittut agguataarinermik, notatimi takussutissiaq 36-mut naapertuuttumut, tunngavilerlugit naligiissaarneqartariaq**assasoq**

2015-i aallarnerfigalugu iluseritinniagaq atuutilersinneqartariaq**artoq**

Iluseritinniagaq inaarsarneqassasoq, immikkoortullu arfinillit siuliini taakkartorneqartut aallaavigalugit inerisarneq**assasoq**

Aalajangiineq

Ilanngussat

1. BDO-mit notati ”Naalagaaffiup tapiissutaasa nutaamik naligiissaartalernissaannik aamma sinaakkutaqalernissaannik eqqarsaatigisat, 20. maj 2014-imeersoq”
2. Nunami naligiissaartitsineri ukioqqortussusermut aalajangersimasunut aningaasartuuteqarnermi pisariaqartitat nalinginik nalunaarsuutit kiisalu Nunami naligiissaartitsineri isumaginninnermi aningaasaqarnikkut aningaasartuuteqarnermi pisariaqartitanut tunngaviinnut naleqartitanullu nalunaarsuutit

Imm. 06 2014-imi aasaanerani ukiaaneranilu aamma 2015-imi ukiuunerani piffissat piniarfiusussat aamma tuttutassiissutit umimmattassiissutillu tusarniaassutigineqarnerat

Journalnr. 72.00

Tunuliaqutaq

Aalisarnermut, Piniarnermut Nunalerinermullu Naalackersuisoqarfiup allakkatigut 8. maj 2014-meersukkut 2014-imi aasaanerani ukiaaneranilu aamma 2015-imi ukiuunerani piffissat piniarfiusussat tuttutassiissutit umimmattassiissutillu pillugit tusarniaavoq.

Umimmaat

Sisimiut umimmaqarfiani			
Aqutsiveqarfik	Pisassiissutit	Tammajuitsussat	Piniarnissamut piffissaliussat
Sisimiut		Ukiah: 300 (300) Ukioq: 390 (390)	Inuuss.- sunngiffimmilu piniarneq: 1. juli - 30. september Inuuss.- sunngiffimmilu piniarneq: 10. januar - 10. marts Asakkut ukiakkullu akiliilluni piniarneq: 1. juli - 15. okt. Ukiukkut akiliilluni piniarneq: 11. marts - 11. april.

Maniitsup umimmaqarfiani			
Aqutsiveqarfik	Pisassiissutit	Tammajuitsussat	Piniarnissamut piffissaliussat piniarfik 1
		100 (100)	Asakkut ukiakkullu akiliilluni piniarneq: 1. juli - 15. okt. Ukiukkut akiliilluni piniarneq: 11. marts - 11. april.
Aqutsiveqarfik	Pisassiissutit	Tammajuitsussat	Piniarnissamut piffissaliussat piniarfik 2
		300 (300)	Asakkut ukiakkullu akiliilluni piniarneq: 1. juli - 15. okt. Ukiukkut akiliilluni piniarneq: 11. marts - 11. april.
Aqutsiveqarfik	Pisassiissutit	Tammajuitsussat	Piniarnissamut piffissaliussat piniarfik 3
Aqutsiveqarfiit tamaasa	Ammasog	100 (100)	Inuuss.- sunngiffimmilu piniarneq: 1. juli - 30. september Inuuss.- sunngiffimmilu piniarneq: 10. januar - 10. marts Asakkut ukiakkullu akiliilluni piniarneq: 1. juli - 15. okt. Ukiukkut akiliilluni piniarneq: 11. marts - 11. april.

E-mail-ikkut 23 maj 2014-meersukkut ilassutit tusarniutigineqarpoq inuussutissarsiutigalugu piniartunut tuttuniarnerup 1. augustimi 2014-imi aallartinnissaa sunngiffimmilu piniartutartunut 8. august-imi 2014-imi aallartinnissaa. Taamatut siunnersuuteqarnermi tunngavigineqarpoq Naalackersuisuni inuussutissarsiutigalugu piniarnermik allagartallit isertitaqarnissaat eqqarsaatigineqarmat.




Tuttut

Nunap immikkoortua	Pisassiissutit	Tammajuitsussat	Piniarnissamut piffissaliussat
Maniitsoq	Ammasoq	450 (450)	Ukiakkut inuuss. piniarneq: 1. aug. - 15. okt. Ukiakkut sunngiffimmi piniarneq: 8. aug. - 15. okt. Ukiakkut akiliilluni piniarneq: 1. aug. - 15. okt. Ukiakkut akiliilluni piniarneq: 11. marts - 11. april
Sisimiut - Kangerlussuaq	Ammasoq		Ukiakkut inuuss. piniarneq: 1. august - 15. oktober Ukiakkut sunngiffimmi piniarneq: 8. aug. - 15. okt. Ukiakkut akiliilluni piniarneq: 1. aug. - 31. okt. Ukiakkut akiliilluni piniarneq: 11. marts - 11. april

Tusarniaanermi piffissaq killissarititaasoq: 13. juni 2014.

Kangerlussuup kujattaani Maniitsup aqutsiveqarfiani umimmanniarfissat/piniarfiit 1, 2 aamma 3



Maleruagassatigut tunngavissat

1. Namminersorlutik Oqartussat nalunaarutaat nr. 7 tuttuq nujuartat illersugaanerat piniagaanerallu pillugit 27. juni 2013-imeersoq
2. Namminersorlutik Oqartussat nalunaarutaat nr. 8 umimmaat illersugaanerat piniagaanerallu pillugit 27. juni 2013-imeersoq.
§ 4, imm. 2 Imm. 1-imi piffissat piniarfiusussat taamaallaat piffissap 1. augustimip aamma 15. aprilip iluani aalajangersaaffigineqarsinnaapput.
§ 13, imm. 3.” Naak § 4, imm. 2-mi aalajangersagaqaraluartoq, Piniarnermut Naalakkersuisoq akiliuteqarluni aallaaniarnermut ukioq kaajallallugu tigganniarnissamut piffissamik piniarfiusussamik aalajangersaasinnaavoq”.



Pissutsit atuuttut

Umimmaat:

Siunnersuummi matumani tusarniaassutigineqartumi allannguutit pingaernerit tassaapput:

- Piniarfik 1 aamma 2-mut allannguutissat(takuuk nunap assinga)
 - Inuussutissarsiutigalugu piniartunut aamma sunngiffimmi pinialuttartunut umimmanniarnermi 2014-imi aasaanerani matoqqatinneqassasut
 - 2015-imi ukiuunerni inuussutissarsiutigalugu piniartut umimmanniarneranni matoqqatinneqassasut (maannamut sunngiffimi piniartartunut matoqqareerpoq)
 - Matoqqatitsineq ukiumiit ukiumut nalilersorneqartassasoq siunertaasimavoq.
 - Tammajuitsussarsiorluni piniartitsinernut ammatinneqassapput. Tassunga tunngavigineqarpoq piniarfinni taakkunani marlunni umimmaat sinneruttut tiggaanerummata tammajuitsussarsiorluni umimmanniarnermi piniarneqarnerusartut.
- Piniarfik 3-mut allannguutissat:
 - Umimmanniarnerup 1. juli-p aallartinnissaa matuneqarnissaa 30. september, Sisimiut aqutsiveqarfiani aammalu Maniitsullu aqutsiveqarfiani, tassa qaammammik ataatsimik siuartinneqarmat umimmaat nuliunerisa nalaani annikinnerpaamik akornusersorneqarnissaat tunngavilersuutaalluni. Aammalu inuussutissarsiutigalugu piniartunut, sunngiffimmi piniartunut kiisalu tammajuitsussarsiorlutik piniartunut assigimmik atugassaqartitsinissaat
 - Tammajuitsussarsiniarlutik piniartitsisartut takornarissanik piniartisisartut siumungaaq pilersaarusiortarput taamaalilluni aasaanerani 2014-imi piniartitsinissaq ukiuunerani 2014-imi pilersaarusiorneqareerluni. Taamaattumik tammajuitsussarsiorluni piniarnerup aallartinnissaa 2014-imi 1. august-imut kinguartinneqarnissaa imaaliillaannaq allanngortinneqarsinnaanani kisianni umimmanniarnerup piniartunut tamanut juulip aallaqqaataanut siuartinneqarnissaa periarfissaalluni.
 - 2015-mi ukiuunerani umimmanniarneq aallartissaaq 10. Januar matullunilu 10. marts 2015. Siusinnerusukkut 1. Januar-imi allartittarpoq matullunilu februar-ip naanerani.

Aalisarnermut, Piniarnermut Nunalerinermullu Naalackersuisoqarfimmut allaffeqarfiup paasiniaanerani akissutigineqarpoq ukiumut umimmaat 140 missaat tammajuitsussarsiorlunit Kangerlussuarmi pisarineqartartut taakkunanga amerlanerit ukiuunerani pisarineqartarlutik. Nunatta karsianut umimmak ataaseq 2.000 kr,-nik isertitsissutaasarpog.

Umimmanniarnermi inuussutissarsiutigalugu piniartut aamma sunngiffimmi piniartartut pisanik nalunaarsuiffii tiguneqarsimasut tunngavigalugit Pinngortitaleriffiup kisitsisaataani takuneqarsinnaavoq ukioq piniarfiusumi 2012/2013-imi umimmaat katillugit 933-it Kangerlussuup kujataani pisarineqarsimasutut nalunaarutigineqarsimasut.

Tuttut

Tusarniaanerup ilassuteqaataani 23. maj 2014-imeersumi siunnersuutigineqarpoq Qeqqata Kommuniani tuttunniarneq inuussutissarsiutigalugu piniartunut ingerlanneqassasoq 1. augustimiit 15. oktober 2014 ilanngullugu aammalu tammajuitsussarsiniarluni/akiliilluni piniartunut.

Sunngiffimmi pinialuttartunut tuttunniarneq 8. august 2014-imi aallartinnissaa siunnersuutigineqarpoq. Taamatut siunnersuuteqarnermi Naalackersuisuni inuussutissarsiutigalugu piniarnermik allagartallit isertitaqarnissaat eqqarsaatigineqartoq allanngortitsinissamut siunnersuummut tunngavigineqarpoq.



Allaffeqarfiup tusarniaaneranut akissutigineqartut:

Tusarniaaneq tamaat aalisartut piniartullu peqatigiiffiit, nunaqarfimmi aqutsisunut aamma sunngiffimmi piniartartut peqatigiiffiit allaffeqarfimmit tusarniaassutigineqarpoq. Taakku saniatigut tammajuitsussarsiorluni piniartitsisartut oqaaseqaataat allaffeqarfimmit tiguneqarsimapput.

Kangaamiuni piniartut peqatigiiffiat (KAPP) oqaaseqaatiminni 19.05.2014-meersumi allapput umimmanniartarnerup 1 .juli aallartittarnera iluarineqanngitsoq pissutigalugu tuttu 1. august aallartikkaangata tuttu tiffartersimalereertarmata siusissukku umimmanniartarnerup aallartinnera pissutigalugu taamaattumik KAPP-imik piumasarineqarpoq tutunniarneq umimmanniarterlu ataatsikkut 1. august aallartittassasut.

Tuttut: Asaanerani piniarfiusartoq 1.august - imiit aallartittarnera kangaamiormiunit iluarisimaarneqarpoq, kisianni piniagaajunnaartarfiat 15. oktober-imit 30. septemberimut siuarteqquneqarpoq pissutigalugu qangaaniilli Kangaamiormiut piniarfissaq taanna naleqquttuutittarsimammasuk pingaartumik tuttu nulusarnerat eqqissisimasumik pisassapat, soorlu biologit umimmannut siunnersuinerminni umimmaat nulusarnerat aamma tunngavilersuutigisimammasuk aamma tutunut taamatulli pingaaruteqarmat. Kiisalu 1. oktober-imiit 4 hjulilerlutik umimmanniartartut tutunik eqqissiviilliortitsisarneri tunngavigalugit Tuttu piniagaanerisa aallartittarnissaannik tusarniaassut kingulleq nukinginnartutut oqaatigineqartoq matumuuna KAPP-mit akissuteqarfigaarput.

Ilaasortat 26. maj 2014 ataatsimiitinneraqarnerat iluatsillugu oqallisigitinneqarpoq piniarnermik inuussutissarsiuqartut aammalu saniatigooralugu pinialuttartut aallartittarfiisa ataatsikkunnginnissaannik naalakkersuisut isummersimanerat tunngavigalugu. Kangaamiuni Piniartut akornutissaqartinngilaat ataatsikkoorlutik piniarnerup aallartittarnissaa soorlu ullumikkut taamaattoq. Uanili illoqarfissuarni immaqqa piniartut kalaaliaqqani tuniniaasartut qangali kissaatigisaraat ilisimaneqarpoq kisianni Nunaqarfimmi annerusumik aporfiusarani, aammalu tassani qangaaniilli tutunniarnerup ingerlasarnera kulturikkut ingerlanermi nunaqqatigiit aammalu ilaqutariit ataatsimoorlutik pisarnerat iluarineqarmat.

Unali ullumikkut oqallisigineqarnerusariaqartut piniartuniit oqaatigineqarpoq tutunniarnissaq sioqqullugu umimmanniartitsinerup aallartittarnera, aammalu ukioq manna asaanerani umimmanniarterup julip aallaqaataani pisalernissaa piniartut ernummatigineruaat tassuunakkut tuttu piniagaalerneranni tiffartertinneqareertarmata, aammalu umimmanniartitsisarnerit iluamik aqunneqanngitsut asuleertaleriartuinnarnerat pingaartumik ukioq isumasioqatigiinnermi qulaarneqartoq piniartut kissaataattut iliuseqarnissaq salliutinneqartariaqartoq. Taamaalliluta Kangaamiuni Aalisartut Piniartullu Peqatigiit ilaasortaasa isumaat ingerlatipparput. Piniartut, Saniatigooralugulu pinialuttartut ataatsikkoortarnissaat akornutissaqartinneqanngilaq”.

Maniitsumi aalisartut piniartullu peqatigiiffiata oqaaseqaataani 21.05.2014-meersumi imatut allapput:

”Maniitsumi aalisartut piniartullu peqatigiiffiata akuerisinnaanngilaa umimmaat piniaqqusaanerata aallartittarnissaa 1. juli-miit nunap immikkoortuini sumiluunniit. Pissutiginiarlugu tammajuitsussarsiorlutik piniartitsisut umimmannik toqutaminnik qimatsiinnartarsimanerat takuneqartalermat ukiuni kingullerni, taamalu nunaqavissut aggustip aallartinnerani pinialerneranni umimmaat tiffareersimasarlutik, tamanna akuerisinnaanngilarput, taamaattumillu siunnersuutigalugu nunap immikkoortuini tamani umimmanniarneq aallartittassasq 1. august - 30. september. Ukiuunerani umimmanniarterup ingerlanissaa ajorinngilarput”.

Atammik/Napasog nunaqarfimmi aqutsisut oqaaseqaatiminni 15.05.2014-meersumi allapput tuttunut umimmannullu piniarfiussusut siunnersuutigineqartut ajorineqanngitsut. Taamaattorli umimmaat Maniitsup timaanit Kommuneqarfik Sermersuup killeqarfiata tungaanut kisitsisoqarnissaa kissaatigaat.

Kangaamiuni nunaqarfimmi aqutsisut oqaaseqaataani 22.05.2014-meersumi allapput oqaluuserereerlugu isummerlutik umimmannik julip aallaqqaataani piniarsinnaanissamut tusarniaassut itigartinneqassasoq. 1. august piniarneq aallartillugu ingerlanneqartarnera ajorineqanngimmat. Tassungalu atatillugu tammajuitsussarsiniarlutik piniartartut nalilersuiffigineqarnissaat kissaatigalugu tassami inuussutissarsiutigalugu aammalu sunngiffimmi pinialuttartut piniarnerini akornutaasarnerat tusarsaajualernikummat.

Tuttunniarnissaq pillugu Kangaamiuni Nunaqarfimmi aqutsisut tusarniaassut imatut akissuteqarfigissavaat.

”Piffissap sivikitsup iluani tusarniaanerit eqqarsaatigalugit 1. juli umimmannik piniarnerup aallartinneqarsinnaanerani tusarniaasoqarpoq maannalu allarlunnarmik tusarniaasoqarluni. Tamanna uagutsinnut paatsuunganartoq taamatut anersaaruluuteqarfigilarpara.

Tusarniaassutigineqartumut tunngaviusoq paasilluaraluarlugu Kangaamiut eqqarsaatigalugit Kangerlussuaq isorartullunilu angallavilussinnaasarmat 1. august-imiit 8. august-imut assigiinngissuteqartitsinissaq isumaqarpallaanngitsutut uagutsinni inissisimavoq.

Kangaamiormiut amerlanerit panertuliniarlutik pulasarpit piffissamilu sivisuumi piniarfimmiittarlutik. Aamma ilaatigut tuttu sassarnerunissaannut kingusissukkut Kangerlussuarmut piniariartoqartarluni taamaammatt matumani ullut pineqartut annertunerusumik sunniteqartussatut isumaqarfigineqanngillat, piniartut ataasiakkaat 1. august panertuliniarlutik aallartartut eqqarsaatigissanngikkaanni”.

Maniitsumi sunngiffimmi pinialuttartut peqatigiiffiata oqaaseqaatiminni 27. maj 2014-meersumi allapput ”1. juli umimmaniartalnissaq siusippallaarsoraarput, aamma pingaartutut isigaarput Tuttu Umimmaallu ataatsikkut piniagaalernissaat. Qaammammi ataasersuaq umimmaniartoqareersoq Kangerlussuarmi tuttu niartartunut qanoq sunniteqarnerlunnissaa takorloorneqarsinnaavoq.

Tuttu piffissaq piniagaalerfissaat pillugu siunnersuummut imatut akissuteqarput:

Peqatigiiffiup siunnersuut ajorinngikkaluarpaa. Ilisimaqqaalli sunngiffimmi pinialuttartut ilaasa aamma 1. august aallarnerfigalugu panertuliniartarneq ileqqorimmassuk, taakkua periarfissinneqarnissaat kissaatiginarmat, ilimananngimmat piniartut tunisaqarniarnerannut akornutaanissaat.

Umimmaat 1. august – 30. september piniagaassappata ajoriffissaqartinngilarput, misilittakammi takutereerpaat qaammattit taakku piniakkanik taakkuninnga piniarfigissallugit tulluarnerpaajusut.

Sisimiuni angallateerarsorlutik aalisartut piniartullu peqatigiiffiata (SAAPP) oqaaseqaatiminni allapput inassutigalugu tuttu umimmaallu piniagaassasut piffissami 1. august – 15. november 2014.

Kangerlussuarmi nunaqarfimmi Aqutsisut oqaaseqaataat 20.05.2014-meersoq tulliuuttut uparuarneqartut:

- Umimmanniarnissami piniarfik 1 piniarfik 2-milu umimmanniarnissamilu matuneqarnera iluarinngilaat. Nunaqarfimmi aqutsisut siunnersuutigerusuppaat piniarfik 1 sunngiffimmi umimmanniarfissatut ingerlanneqaannassoq ajoqutaasinnaasunik takusassaqtinnginnamikku. Tassanilu aamma eqqarsaatigineqarpoq Kangerlussuup umiarsualiviluttuunera pissutigalugu angallataatillit ikittuinnaammata umimmanniarnissaq Kangerlussuarmiunut killilerneqangaatsiarneqarnissaa.
- Umimmaat 1. juuli-miit piniarneqalernissaanut piaqqat eqqarsaatigalugit siusigineqarpoq.
- Tammajuitsussarsiorluni piniartitsisarneq Kangerlussuup eqqaani ajorineqanngilaq.

Sarfannguut/Itilleq nunaqarfimmi aqutsisut tuttuniarnissaq pillugu oqaaseqaataanni 27. maj 2014-meersumi imatut oqaaseqaateqartut:

”Allakkaq tusarniut ukioq 2014-mi tuttuniarnissap inuutissarsiutigalugu piniartunut 1. august 2014-imi aallartinnissaanut sunngiffimmilu piniartunut 8. august-imi aallartinnissaanut tusarniut tunngaviusumik isumaqataaffigineqarpoq, taamatullu isikkoqartillugu akornutissaqartinneqanngilaq, taperserneqarporlu”.

Kangerlussuarmi North Safari ApS-miit siunnersuutigineqarpoq tammajuitsussarsiorluni piniartitsisarneq juulip aallaqqaataani aallartinneqarnissaa, kiisalu inuutissarsiutigalugu aamma sunngiffimmi piniartut aggustip aallaqqaataani aallartinnissaat siunnersuutigineqarluni. Piniarneq tamarmi juulip aallaqqaataani aallartissapput aasaanerani tammajuitsussarsiorluni piniartitsisarneq iluamik ingerlanneqarsinnaajunnaassasoq. *Isummernermut tunngavigineqartut ilanngussami atuarneqarsinnaapput*)

Kangerlussuarmi Greenland Outdoors-miit piniarnerup tamarmi juulip aallaqqaataani aallartinnissaa orniginartinneqanngilaq, Pissutitut nassuiaatigineqarpoq qajartortitsineri umimmaat takusasaaneri iluaqaataasarmata, piniarnerlu aggustip aallaqqaataani aallartikkaangat tammartarlutik. *Isummernermut tunngavigineqartut nassuiaatit ilanngussami atuarneqarsinnaapput*)

Allaffeqarfiup naliliinera

Kangerlussuup nunataani umimmanniarnermut tunngatillugu assigiimmik atugassaqtitsinissaq piumasaqaatigalugu naalackersuisoqarfimmut siusinnerusukkulli Qeqqata Kommunianit allakkatigut oqariartuutigineqarsimasut aamma Allaffeqarfiup tusarniaaneranut akissuteqaatit tiguneqarsimasut tunngavigalugit Allaffeqarfiup nalilerpaa Kangerlussuup nunataani umimmaat piniagaalertarnerat tamanut 1. august aallartittarnissaa kommunimit piumasarineqaaqqissasoq aamma tammajuitsussarsiorluni piniartunut tamanna atuutissasoq. Tamanna ukioq maannamiit atuutilerneqarsasoq. Pilersaarusioreernerit pissutigalugit tamanna ukioq manna pinissaa ajornavissappat ukioq manna tammajuitsussarsiorluni umimmanniarneq 1. juli aallartissinnaasoq akuerineqarsinnaasoq kisiannili inuussutissarsiutigalugu aamma sunngiffimmi umimmannik piniarneq 1. august aallartissasoq. Taamaalilluni tuttuniarneq umimmanniarnerlu amerlanerpaanut ataatsikkut 1. august aallartissinnaaqqullugit taassumalu tungaanut piniagassat sapinngisamik annikitsumik sunnerneqarnissaat siunertarlugu taamaallaat tammajuitsussarsiorluni julimi piniartoqarsinnaasoq.



Piomasarineqassasoq Kangerlussuarimi tammajuitsussarsiorluni umimmanniarnerup 1. august aallartittarnissaa kingusinnerpaamik eqqunneqassasoq 2015-imi aasakkut piniarnermi. Ukiorpasuaangortuni ileqqusoq tuttuniarnerup tamanut 1. august aallartittarnera tamatumaa ukioq manna atortinneqarnissaa allaffeqarfiup nalilerpaa kissaatigineqartoq. Allaffeqarfiup ilisimavaa tuttunniarnermi inuussutissarsiutigalugu piniartut salliutinneqartarnissaanik piniartut piomasaqartarsimasut ukiut ingerlanerini. Qeqqata Kommuniani aalisakkanik tunitsiveqarnikkut pissutsit maannakkut atuuttut eqqarsaatigalugit allaffeqarfiup nalilerpaa aasaq manna tuttunniarnermi inuussutissarsiutigalugu piniartut sapaatip akunneranik siulliutinneqarpata piniartup aningaasaqarniarneranut iluaqutaassasoq ilimagineqarsinnaavoq, tutut nutaat piumaneqarluartarmata.

Sunngiffimmi pinialuttartunit ajoriffissaqartinneqanngilaq piniartut siulliullutik piniartalernissaat tamannalu aamma Qeqqata Kommuniata aalisartunut piniartunullu pingaartitsineranut ikorfartuutaavoq.

Umimmaat illersugaanerat piniagaanerallu pillugit nalunaarut nr. 8-imi § 4, imm. 2-mi aalajangersagaammat taamaallat 1. august – 15. april inuussutissarsiutigalugu piniartunut sunngiffimmiunullu umimmanniarnerup aallartinnissaa pisinnaammat immikkullu akuersissuteqarluni piniarfiussinnaasumik periarfissaqarani taamaallaat § 13, imm. 3-mi tammajuitsussarsiorluni tiggannik piniarnermut atuulluni.

Allaffeqarfik isumaqarpoq nalunaarut nr. 8-i aatsaat allanngortinneqarnerani umimmanniarsinnaaneq siuartinneqarsinnaasoq.

Sunngiffimmiut 1. august aallartinnissaat Kangamiuni piniartut peqatigiiffiata ajorinnginnamiuk sinnerilu piniartut peqatigiiffiit tusarniaanermut qisuariatik.

Innersuussut

Allaffeqarfiup kommunalbestyrelsimut innersuussutigissavai akuereqqullugit

1. Piniarfik 1 aamma 2-mi tammajuitsussarsiorluni piniartitsisarneq 1. juli-imi aallartinneqassasoq
2. Piniarfik 1 aamma 2-mi inuutissarsiutigalugu piniartunut aammalu sunngiffimmi pinialuttartunut aasaanerani matoqqatinneqassasoq
3. Piniarfik 1 aamma 2-mi ukiuunerani inuutissarsiorlutik piniartunut matoqqatinneqassasoq
4. Piniarfik 3-mi inuutissarsiutigalugu piniartut, sunngiffimmi pinialuttartut kiisalu tammajuitsussarsiorluni piniartitsisartunut umimmanniarluni piniarneq 1. august-imi aallartinneqassasoq matuneqarlunilu 15. oktober
5. Tuttunniarneq inuutissarsiutigalugu piniartunut aammalu tammajuitsussarsiniarlutik piniartitsisartunut 1. august 2014 aallartinneqassasoq matuneqarlunilu 15. oktober
6. Tuttunniarneq sunngiffimmi pinialuttartunut 8. august aallartinneqassasoq matuneqarlunilu 15. oktober

Aalajangiineq

Ilanngussat

1. Aalisarnermut, Piniarnermut Nunalerinermullu Naalakkersuisoqarfiup allakkatigut 8. maj 2014-meersukkut 2014-imi aasaanerani ukiaanerani aamma 2015-imi ukiuunerani piffissat piniarfiusussat tututassiissutit umimmattassiissutillu pillugit tusarniaassutaa.
2. Tutut pillugit tusarniaanermut ilassuteqaat e-mail 23. maj 2014-meersoq.
3. Aalisarnermut, Piniarnermut Nunalerinermullu Naalakkersuisoqarfiup Qeqqata Kommuniani Borgmester Hermann Berthelsen-imut allagaa 19.05.2014-meersoq,
4. Kangerlussuarimi North Safari ApS-miit oqaaseqaat
5. Kangerlussuarimi Greenland Outdoors-miit oqaaseqaat
6. Namminersorlutik Oqartussat nalunaarutaat nr. 7 tutut nujuartat illersugaanerit piniagaaneralu pillugit 27. juni 2013-meersoq
7. Namminersorlutik Oqartussat nalunaarutaat nr. 8 umimmaat illersugaanerit piniagaaneralu pillugit 27. juni 2013-meersoq

Imm. 07 Qimmeqarfiup eqqaani Kaaliikassaallu Aqq. aqquserngit taaguutaat

Journalnr. 23.00.01

Tunuliaqut

Qimmeqarfiup eqqaani taavalu Kaaliikassaap Aqqutaata Kussangasullu akornanniittoq aqquserngit taaguusersorneqassapput. Tassunga atatillugu Pilersaarusionermi Immikkoortortap Qeqqata Kommuniani sulisut aammalu Sivdlekkut februar 2014-imi annoncemik ilanngussinikkut siunnersuutinik pissarsiorsimavoq.

Maleruagassatigut tunngavissat

Cirkulære om ajourføring og drift af CPR's vej- og boligregister nr. 130 af 25. november 2002.

Pissutsit atuuttut

Aqquserngit marluk taaguuserneqarnissaat amigaataapput, taakkulu aquserngit assitaani ilanngussami 1-imi takuneqarsinnaallutik. Siunnersuutit tiguneqartut ilanngussaq 2-mi ilanngunneqarput.

Aningaasaqarnikkut allaffissornikkullu kingunerisinnaasai

Soqanngilaq

Qullersaqarfimmit oqaaseqaatit

Oqaaseqaatitaqanngilaq

Allaffeqarfiup naliliinera

Pilersaarusionermi Immikkoortortaq piffimmut tulluuttumik, pisarnej naapertorlugu inuusimasunik atsiinermik imaluunniit pisimasunik tunngaveqartumik atsiinissaq innersuussutigaa.

Allaffeqarfiup innersuussutaa

Teknikkimut Avatangiisinullu immikkoortortaqarfiup Teknikkimut Avatangiisinullu ataatsimiititalianut qimmeqarfiup eqqaani Kaaliikassaap Aqqutaata Kussangasullu akornanniittoq aqquserngit taaguutissaannik toqqaariarluni, Kommunalbestyrelsimut siunnersuutit ingerlateqqinnissaat innersuussutigissavaa.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu Ataatsimiititaliap maajip 13-ani 2014-imi ataatsimiinnermini suliaq Kommunalbestyrelsimut ingerlateqqippaa.

Innersuussut

Kommunalbestyrelsimut inersuussutigineqassaaq

Aqqut 1: Qimmeqarfiup eqqaani aqqut, imatut atserneqassasoq: Kuussuup Alanngua

Aammalu kommunalbestyrelsi toqqaassasoq Aqqut 2: Kaaliikassaap Aqqusernani Kussangasullu akornanni aqqut, siunnersuutigineqartuni sorlermik atserneqassanersoq

- a) Sipisaq (Passet)
- b) Genvejen (Aqqut qaninaariniarfik)
- c) Aqqusinertaaq (Ny vej)
- d) Ammukajaaq (Skråningen)
- e) Qoorunnguaq (Den lille dal)
- f) Som beskrivelse af området

Aalajangiineq

Ilanngussaq

1. Aqquserngit assitaat
2. Siunnersuutit

Imm. 08 Qeqqata Kommuniani kommunip allaffiini erfalasoqartarneq

Journalnr. 00.11

Tunuliaqutaq

Sapaatikku nalliuttunilu kommunip allaffiata erfalasoqartarnerata aammalu ilisisoqassatillugu kommunip allaffiani erfalasuq qiteqqunneqartarnerata unitsinneqarnissaa allaffeqarfimmiit aningaasaqarnermut ataatsimiititaliamut siunnersuutigineqarpoq.

Aningaasaqarnermut ataatsimiititaliap maajip 20-ani 2014-imi ataatsimiinnermini aalajangerpaa suliassaq kommunalbestyrelsimut aalajangiassanngorlugu ingerlateqqinneqassasoq.

Siunnersuummut peqqutigineqarpoq Qullersaqarfiup allattoqarfiani sulisut ikilineqarmata Sisimiuni kommunip allaffiani pedeli 1.1.2012-imiit ataasiinnanngormat aammalu sulereernerup kingorna biileqartitaanissaq pedelip piumangimmagu. Maniitsumi kommunip allaffia ataasiinnarmik pedeleqartuaannarnikuvoq.

Kommunip allaffiani sulisunik ikilisaanermut tunngavigineqarpoq Qeqqata Kommuniani kommunalbestyrelsip februaarip 24-ani 2011-mi ataatsimiinnerani aalajangiussaamat ingerlatsinikkut 5 %-imik sipaaruteqarnissaq. Sipaaruteqarnermilu toqqaannartumik innuttaasunik sullissiffiunngitsut pingaartumik sipaarfigineqarlutik.

Maleruagassatigut tunngavissat

Ullut erfalasuulisaarfissat pillugit Namminersornerullutik Oqartussat nalunaarutaat nr. 26, 11. november 2008-meersoq.

Pissutsit atuuttut

Sisimiut Kommuniusimasumi aningaasaqarnermut ataatsimiititaliap februaarip 8-ani 2000-imi aalajangerpaa kommunip allaffia sapaatikku nalliuttunilu erfalasoqartassasoq.

Tamatuma saniatigut ilisisoqartillugu palasi nalunaaruteqarsimatillugu kommunip allaffiani erfalasuq qiteqqunneqartarnera ingerlatiinnarneqarpoq. Suminngaanniit isumaqatigiissutaasimarnersoq ilisimaneqanngilaq.

Maniitsumi kommunip allaffiani ulluni suliffiusuni ataasinngornermiit tallimannornermut taamaallaat erfalasuertoqartarpoq. Suliffiup avataani nalliuttut kisimik isumagineqartarlutik. Ilisisoqartillugu kommunip allaffiani erfalasuertoqartanngilaq, kommunimi ukiorpassuarni sulisuisimasut imaluunniit kommunimi sunniuteqarluarsimasut eqqaassanngikkaanni.

Kommunit sinnerini pingasuni tamani illoqarfik ataaseq aperineqarpoq qaqugukku erfalasuletternersut. Ima akissuteqarput:

Qaasuitsup Kommunian

Ilulissani kommunip allaffiani pedeli ataasiuvoq. Suliffiup nalaani aammalu nalliuttuni taamaallaat erfalasuertoqartarpoq. Ilisisoqartillugu kommunip allaffiani erfalasuertoqartanngilaq, taamaallaat kommunimi sulisunik ilisaasoqartillugu.

Kommuneqarfik Sermersooq

Nuummi kommunip allaffiani betjentit sisamaapput viceværtillu marluk. Ullut sulliffiusut, sapaatikku aammalu nalliuttuni erfalasuertoqartarpoq. Ilisisoqartillugu kommunip allaffiani erfalasuertoqartanngilaq.

Kommune Kujalleq

Qaortumi kommunip alaffiani ulluni suliffiusuni erfalasoq pedelimit isumagineqartarpoq. Sapaatikku, nalliuttuni ilisisoqartillugulu kommunip allaffiani erfalasuertarneq pensionistimik isumagineqartarpoq (akissarsiaqartillugu).

Allaffeqarfiup naliliinera

Kommunimi suleriaatsinik naleqqussaaneq tunngavigalugu Sisimiuni Maniitsumilu kommunip allaffiini erfalasuertarnermi periutsit assigiittariaqarput.

Sulisut qasuersaarnissaat ataqqillugu sulisunillu tigumminiinnarnissaq anguniarlugu sapaatikku nalliuttunilu erfalasuertiartortarneq unitsittariaqartutut nalilerneqarpoq.

Aammalu ilisisoqassatillugu Oqaluffik, Iliveqarfik, ilisaasup suliffia ilaqutaasullu erfalasoqareertar-mata, kommunip allaffiani erfalasuertarneq unitsiinnartariaqartoq.

Aammalu sulisunik peqanngittoqartillugu allanillu peqquteqarnikkut palaseqarfimmiit ilisisoqassatillugu nalunaarutit takuneqanngitsoorsimatillugit, kommunit allaffiiniit erfalasinngitsoortarnermi kommunimi innuttaasunik assigiinngitsitsisoqarnissaa pinaveersaartinniarlugu.

Innersuussut

Kommunalbestyrelsimut akuersissutigeqqullugit innersuussutigineqarput,

Ullut erfalasuusaarfissat pillugit Namminersornerullutik Oqartussat nalunaarutaat malillugu taamaallaat Qeqqata Kommuniani suliffiup nalaanni ataasinngornermiit tallimanngorneq ilanngullu-gu kommunip allaffiini erfalasuertoqartassasoq

Ilisisoqartillugu kommunip allaffiini erfalasuertoqartassanngitsoq, Oqaluffimmiit/Ilagiinniit allanillu upperisarsioqatigiinniit ilisisoqartillugu erfalasuertoqartareemat.

Aalajangiineq

Ilanngussaq

1. Ullut erfalasuusaarfissat pillugit Namminersornerullutik Oqartussat nalunaarutaat.
2. Aningaasaqarnermut ataatsimiititaliap 20.5.2014-imi ataatsimiinneranit imaqarniliaq, Imm. 11.

Imm. 09 Imigassamik sassaallersinnaanermut qinnuteqaat – Panikantina Timersortarfik

Journalnr. 70.06.00

Tunuliaqut

Panínguak´ Olsen 21. januar 2014 Panikantina-mi Timersortarfimmi imigassamik kimittuunik kimikitsunillu saassaallersinnaanermut akuersissummik qinnuteqarpoq.

Kantinami nerisunut immiaaqqamik vin-imillu saassaallerneq eqqarsaataammat ilisimatitsissutigivaa aamma timersoreerluni immiaaraq nillertutortoqarsinnaanera kiisalu takornariat nerinerminni iggiseqarsinnaanerat.

Inuusuttunut takutikkusuppa immiaarartorneq putumaniutaannaangimmat eqqarsartarnerallu allangortikkusullugu.

Timersortarfiup siulersuisui 23. maj 2014 piumasaaqatitalimmik akuerisassanngorlugu innersuppaat imatut: Imigassat timersorfiusumut eqqunneqartassanngitsut aammalu putumasunut sassaallertoqartassanngitsoq.

Maleruagassatigut tunngavissat

Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaat nr. 11, 11. november 2000-imeersoq.

Inatsimmi kapitali 2 naapertorlugu imigassanik aalakoornartortalinnik kimittuunik kimikitsunilluunniit nioqquteqassagaanni sassaalliissagaanniluunnit akuersissummik pigisaqarnissaq piumasaaqaa-taavoq, soorluttaaq inimut ininulluunniit aalajangersimasunut tunngatinneqartumik akuersissut kommunalbestyrelsimit tunniunneqartussaasoq.

Pissutsit atuuttut

2005-imi Hotel Kangerlussuup ataaniittoq Gymnastiksali imigassamik kimittuunik kimikitsunillu saassaallersinnaanermut akuersissummik qinnuteqarmat itigartitsissutigineqarpoq tunngavigalugu meeqqat ornittagaat imigassanik sassaallerfigissallugu tulluurtuutinneqanngimmat.

Innersuussut

Suliaq kommunalbestyrelsimut aalajangi-gassanngorlugu nassiunneqarpoq

a)
qinnuteqaat itigartitsissutigineqassasoq siusinnerusukkat Hotel Kangerlussuaq ataaniittumut Gymnastiksali-mut itigartitsisoqareemat

imaluunniit

b)
Panikantina ukiunut pingasunut imigassamik kimittuunik kimikitsunillu saassaallersinnaanermut akuersissummik tunisisoqassasoq.

Aalajangiineq

Ilanngussa-q

1. Panínguak Olsen 21.1.2014-miit qinnuteqaataa
2. Timersortarfiup siulersuisuinit allakkat 23.5.2014-meersut.



Imm. 10 Oqaluuserisassatut siunnersuut – Maniitsumi Aalisartut Aqqutaanni kranip taarserneqarnissaa

Journalnr.

Tunuliaqutaq

Siumumiit kommunalbestyrelsimi ilaasortat Maniitsumeersut, Maniitsumi Aalisartut Aqqutaanni kranip taarserneqarnissaa pillugu siunnersuut kommunalbestyrelsimi oqaluuserisassatut maajip 9-ani 2014-imi e-malikkut nassiuppaat.

Siunnersuummut tunngavigineqarpoq, krani atorunnaarnikoq kusanaallisaataasorlu taarserneqarnissaa pisariaqarmat. Ukiorpaalunnilu krani atorallarmat aatsaat nakkutilliisoqarluni amutsivimmiit inuttalerneqarluni qaqtisisoqartarnikuuvoq. Taamatullu ingerlariaaseq eqaallisartariqarmat nutaamik assimi ilanngussami takuneqarsinnaasutut ittupajaamik kraniliisoqarsinnaagaluarpat.

Assersuutigalugu Sisimiuni krani taamatut pissusilik atorluarneqarlunilu innuttaasunik iluaqutigineqarpoq.

Taamaattumillu sinnersuutigineqarpoq Maniitsumi krani atorunnaartoq atoruminartumik taarserneqarnissaa.

Innersuussut

Kommunalbestyrelsimut akuereqqullugu innersuussutigineqassaaq,

siunnersuutip oqallisigineqareerneratigut Teknikkimut Avatangiisinullu ataatsimiititaliamut sulias-sanngorlugu ingerlateqqinneqassasoq.

Aammalu politikikkut partiit 2015-imut missingersuutininut ukiullu 2016-imit 2018 tikillugu missiliuuteqarfiusunut pingaarnersiuinissamat siunnersuutininik juunip 19-at 2014-mi tunniussisimareertussaanut erseqqissaatigineqassasoq.

Aalajangiineq

Ilanngussaq

1. Siumumiit KB-mi ilaasortat Maniitsumeersut maajip 9-ani 2014-imi allagaat

Imm. 11 Oqaluuserisassatut siunnersuut – Sisimiuni umiarsualiviup iluani puttasut

Journalnr.

Tunuliaqutaq

Kommunalbestyrelsimi ilaasortap Hans Frederik Olsenip, Sisimiuni umiarsualiviup iluani puttasut pillugit siunnersuut kommunalbestyrelsimi oqaluuserisassatut maajip 19-ani 2014-imi e-malikkut nassiuppa.

Siunnersuummut tunngavigineqarpoq puttasulersunissaq ukiorpaalunngortuni eqqartorneqartarmat annertunerusumillu iliuuseqatoqassanani.

Tamanna tunngavigalugu Hans Frederik Olsenip siunnersuutigaa sissap puttasullu iluarsanneqarnissaat, ilanngussami titartakkani takuneqarsinnaasutut.

Innersuussut

Kommunalbestyrelsimut akuereqqullugu innersuussutigineqassaaq,

siunnersuutip oqallisigineqareerneratigut Teknikkimut Avatangiisinullu ataatsimiititaliamut suliasanngorlugu ingerlateqqinneqassasoq.

Aammalu politikikkut partiit 2015-imut missingersuutinut ukiullu 2016-imit 2018 tikillugu missiliuuteqarfiusunut pingaarnersiutinissamut siunnersuutinik juunip 19-at 2014-mi tunniussisimareertussaananerit erseqqissaatigineqassasoq.

Aalajangiineq

Ilanngussaq

1. Hans Frederik Olsenip maajip 19-ani 2014-imi allagaa ilanngussartaalu.

Imm. 12 Oqaluuserisassatut siunnersuut – Qeqqata Kommuniani arsaattarfiit ivigaasanik sanaat pilersinneqarnissaannut misissuisoqarnissaa

Journalnr.

Tunuliaqutaq

Kommunalbestyrelsimi ilaasortap Jakob Olsenip, Qeqqata Kommuniani arsaattarfiit ivigaasanik sanaat pilersinneqarnissaannut misissuisoqarnissaa pillugu siunnersuut kommunalbestyrelsimi oqaluuserisassatut maajip 8-ani 2014-imi e-malikkut nassiuppaa.

Siunnersuummut tunngavigineqarpoq, Inatsisartut maajip 8-ani 2014-imi Nunatsinni ivigaasanik arsaattarfiit piorsarneqassasut oqaluuserimmassuk. Aaammalu Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisup siunissami tamakku pilersikkiartuaarneqassasut tapersersormagu.

Periarfissarlu tamanna atorluarlugu Qeqqata Kommuniani arsaattarfiit ivigaasanik sanaat pilersinneqarnissaannut misissuisoqarnissaanik Jakob Olsen siunnersuuteqarpoq.

Innersuussut

Kommunalbestyrelsimut akuereqqullugu innersuussutigineqassaaq,

siunnersuutip oqallisigineqareerneratigut Ilinniartitaanermut Kulturimut Sunngiffimmullu ataatsimiititaliamut suliaassanngorlugu ingerlateqqinneqassasoq.

Aammalu politikikkut partiit 2015-imut missingersuutinut ukiullu 2016-imit 2018 tikillugu missiliuuteqarfiusunut pingaarnersiuinissamut siunnersuutinik juunip 19-at 2014-mi tunniussisimareertussaanagerat erseqqissaatigineqassasoq.

Aalajangiineq

Ilanngussaq

1. Jakob Olsenip maajip 8-ani 2014-imi allagaa.

Imm. 13 Oqaluuserisassatut siunnersuut – Pitsaaliuinermi ataatsimiititaliat ataatsimut naapisinneqarnissaat

Journalnr. 48.00

Tunuliaqutaq

Kommunalbestyrelsip juunip tallimaani ataatsimiinnissaanut, Gideon Lyberth maajip arfineq-pingajuani mailkkut nassitsilluni Qeqqata Kommuniani pitsaaliuinermi ataatsimiititaliat pitsaaliuinermilu siunnersortit ataatsimut naapisinneqarnissaannut siunnersuuteqarpoq.

Maleruagassatigut tunngavissat

Najukkani pinaveersaartitsinermit ataatsimiisitaliat pillugit Namminersornerullutik Oqartussat nalunaarutaat nr. 18, 18. maj 2001- imeersoq.

§ 1. Pinaveersaartitsinermit ataatsimiititaliap ilaasortarai napparsimmavimmit/peqqissaavim-mit peqqinnissamik sulialik ataaseq, kigutleriffimmit peqqinnissamik sulialik ataaseq, pinaveersaartitsinermit siunnersorti kiisalu meeqqat atuarfiannit aqutsisuniit, politiinit, isumaginninnermik ingerlatsivimmit aamma pinerluuteqarsimasunik isumaginnittoqarfimmit ataaseq. Ataatsimiisitaliap ilaasortai oqartussanit susassaqtunit pineqartunit inassutigineqassapput.

Imm. 2. Anguniarneqassaaq ataatsimiititaliamut ilaasortat suliaannut naleqquttunik soqutigisaqarlutillu ilisimasaqarnissaat.

Imm. 3. Pinaveersaartitsinermit ataatsimiititaliat sulinermini oqartussat peqataatitaqartut aalajangiisnaatitaanerat najoqqutarissavaat.

§ 2. Pinaveersaartitsinermit ataatsimiititaliat akunnermini siulittaasussaminnik allatsissaminnillu toqqaassapput suleriaasissatillu namminneq aalajangersassallugit.

Imm. 2. Pinaveersaartitsinermit ataatsimiititaliaq ikinnerpaamik qaammatit pingasukkaarlugit ataatsimiittassaaq.

Imm. 3. Napparsimmavimmiit/peqqissaavimmiit sinniisuusoq ataatsimiinnermit siullermut qaaqquissaq.

§ 3. Pinaveersaartitsinermit ataatsimiititaliat pinaveersaartitsineq peqqinnerulersitsiniarnerlu pillugit ukiumoortumik iliuusissanik pilersaarusiortassapput. Iliuusissanik pilersaarut ukiut tamaasa novembarip aallaqqaataa tikitsinnagu PAARISA, Postboks 1160, 3900 Nuuk-mut nassiuuneqartassaaq.

Imm. 2. Iliuusissatut pilersaarut kommunalbestyrelsimut saqqummiunneqartassaaq.

Peqqinnissaqarfiup aquneqarnera, aaqquissuusaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersumi pinaveersaartitsinermit ataatsimiititaliat pillugit allassimavoq, Naalakkersuisut illoqarfanni tamani pinaveersaartitsinermit ataatsimiititaliamik pilersitsissasut.

Peqqinnissaq pillugu Naalakkersuisut Qeqqata Kommuniatalu akornanni 2009-mit 2013 tikillugu politikikkut isumaqatigiissut (ilanngussaq 2)

Pissutsit atuuttut

Sisimiuni pitsaaliuinermi ataatsimiititaliap kissaataa tunuliaqutaralugu Qeqqata Kommuniani pitsaaliuinermi siunnersortit tamarmik, 2014-imi Maniitsumi maajip 6-ianit 9-a tikillugu ataatsimiillutik pitsaaliuinermi suliassat, ataqatigiissarineq, iliuusissat suliniutillu eqqartopat. Kattunnerup kingorna ataatsimiinneq siulleg. Siunissami qaammammut ataasiapjaarluni malinnaatitsisoqartassasoq isumaqatigiissutigineqarpoq.

Tamatuma saniatigut kommunimi pitsaaliuinermi siunnersortinut kiisalu illoqarfanni/nunaqarfanni pitsaaliuinermi ataatsimiititalianit marlunnik peqataatitaqarluni, 2014-p ukiaani isumasioqatigiissitsisoqarnissaa pilersaarusiorneqarpoq.

Ullumikkut Sisimiuni Maniitsumilu pitsaaliuinermi ataatsimiititaliaqarpoq.

Allaffeqarfiup naliliinera

Isumasioqatigiissitsinissap imarisassaa, kikkut saqqummiissanersut, kikkut qassillu peqataatinneqassanersut, angusat suliasallu suut ingerlateqqinneqartussatut naatsorsuutigineqarsinnaassanersut, piffissaliornissaq kiisalu aningaasartuutit qanoq annertutiginissaannik naatsorsuutissat pillugit allaffissornikkut piareersaasiortoqassaaq. Isumasioqatigiissitsinissaq kommunip missingersuutaatigut missingersuusiorfigineqarnikuunngimmat aningaasat qinnutigineqartariaqarput.

Innersuussut

Kommunalbestyrelsimut innersuussutigineqarpoq,

Suliap suliarineqarnissaanut Ilaqutariinnermut ataatsimiititaliamut ingerlateqqinneqassasoq

Aalajangiineq

Ilanngussat

1. Gideon Lyberth-ip 2014-imi maajip arfineq-pingajuani siunnersuutaa
2. Peqqinnissaq pillugu Naalakkersuisut Qeqqata Kommuniatalu akornanni 2009-mit 2013 tikillugu politikkikkut isumaqatigiissut.



Imm. 14 Oqaluuserisassatut siunnersuut – Qeqqata Kommuniani inuleringeq pillugu seminartitsinissaq

Journalnr.

Tunuliaqutaq

Siumumiit kommunalbestyrelsimi ilaasortat Maniitsumeersut, Qeqqata Kommuniani inuleringeq pillugu seminartitsinissaq pillugu siunnersuut kommunalbestyrelsimi oqaluuserisassatut maajip 7-ani 2014-imi e-malikkut nassiuppaat.

Siunnersuummut tunngavigineqarpoq, ukiuni kingullerni inuleringeq eqqarsaatigalugu pissutsit oqimaatsut atuleriartorneqarmata, taamaattumillu siunnersuutigineqarluni inuleringeq pillugu seminartitsisoqassasoq maannakkullu killiffik kiisalu siunissami suleriaasissanik pitsaanerusunik nassaartoqarsinnaanera neriutugalugu.

Pissutsit atuuttut

Qullersaqarfimmiit ilisimatitsissutigineqarpoq 2014-imi aggustip naanerani kommunalbestyrelsip Sisimiuni ataatsimiinneranut atatillugu seminarertitsinissanut sammisaq ilanngunneqassasoq.

Innersuussut

Kommunalbestyrelsimut akuereqqullugu innersuussutigineqassaaq,

siunnersuutip oqallisigineqareerneratigut Qullersaqarfimmut suliassanngorlugu ingerlateqqinneqassasoq.

Aalajangiineq

Ilanngussaq

1. Siumumiit KB-mi ilaasortat Maniitsumeersut maajip 7-ani 2014-imi allagaat

Imm. 15 Oqaluuserisassatut siunnersuut – Atammimmi sannaviup innaallagissamik attavilerneqarnissaa

Journalnr.

Tunuliaqutaq

Siumumiit kommunalbestyrelsimi ilaasortat Maniitsumeersut, Atammimmi sannaviup innaallagissamik attavilerneqarnissaa pillugu siunnersuut kommunalbestyrelsimi oqaluuserisassatut maajip 6-ani 2014-imi e-malikkut nassiuppaat.

Sannaviup innaallagialerneqarnissaanik kissaateqarluni atsiortitsinerit tunngavigalugit siunnersuut nassiunneqarpoq.

Pissutsit atuuttut

Teknikkimut Avatangiisinullu immikkoortortamiit nalunaarutigineqarpoq, sannavimmut innaallagissap aqputaa immap iluatigoortoq ajortissimasoq, qaanngueruppallu iluarsaanneqasssoq.

Innersuussut

Kommunalbestyrelsimut innersuussutigineqassaaq, suliaq tusaatissatut tiguneqassasoq.

Aalajangiineq

Ilanngussaq

1. Siumumiit KB-mi ilaasortat Maniitsumeersut maajip 6-ani 2014-imi allagaat

Imm. 16 Oqaluuserisassatut siunnersuut – Maniitsumi qamussuit

Journalnr.

Tunuliaqutaq

Siumumiit kommunalbestyrelsimi ilaasortat Maniitsumeersut, Maniitsumi qamussuit nutaanik taarserneqarnissaanik pillugu siunnersuut kommunalbestyrelsimi oqaluuserisassatut maajip 7-ani 2014-imi e-malikkut nassiuppaat.

Siunnersuummut tunngavigineqarpoq, qamussuit aaqqissuuteqqinneqarsinnaajunnaarmata. Nutaanillu taarserneqanngippata, snescooterinik illiliniormi piffissarujussuaq ator neqartariaqartalissasoq.

Ilaasortanit siunnersuutigineqarpoq ukiumut 2015-imut qamussuarnut aningaasaliissutaagaluartut, ukiumut 2014-imut ator neqarnissaat, kontonit allaniit nuussinikkut imaluunniit immikkut aningaasaliinikkut.

Pissutsit atuuttut

Maniitsumi qamussuit pillugit suliaq Teknikkimut Avatangiisinullu ataatsimiititaliami maajip 13-ani 2014-imi suliarineqarpoq.

Tamatumalu kingorna Aningaasaqarnermut ataatsimiititaliami maajip 20-ani 2014-imi suliarineqarpoq aalajangiunneqarlunilu suliaq 2015-imut missingersuutinut ilanngutassanngorlugu aggustimi missingersuutit pillugit isumasioqatigiinnissamut ilanngunneqassasoq aammalu allaanerusinnaasunik ujarlertoqassasoq.

Innersuussut

Kommunalbestyrelsimut innersuussutigineqassaaq, suliaq tusaatissatut tiguneqassasoq.

Aalajangiineq

Ilanngussaq

1. Siumumiit KB-mi ilaasortat Maniitsumeersut maajip 7-ani 2014-imi allagaat
2. Aningaasaqarnermut ataatsimiititaliap 20.5.2014-imi ataatsimiinneranit imaqarniliaq, Imm. 06



Imm. 17 Apequteqaat – Maniitsumi inuusuttut ornittagaat

Journalnr.

Tunuliaqutaq

Kommunalbestyrelsimi ilaasortap Gideon Lyberthip, Maniitsumi inuusuttut ornittagaat pillugu apequteqaat maajip 11-ani 2014-imi e-malikkut nassiuppaa.

Naluneqanngitsutut aalajangerneqarnikuuvoq 2014-imi Maniitsumi inuusuttut ornittagaat sananeqassasoq.

Tassungalugu tunngatillugu paasserusunneqarpoq pilersaarut sumut killinnersoq aammalu inuusuttut ornittagaat sumi sananeqassanersoq.

Pissutsit atuuttut


Teknikkimut Avatangiisinullu immikkoortortamiit Ilinniartitaanermut immikkoortortaqarfimmillu nalunaarutigineqarpoq, Inuusuttut ornittagaannut pilersaarut suliariumannittussarsiornissaanut piareerpq.

Suliariumannittussarsiuussineq juunip naanerani pissaaq sulili ullulerneqarani.

Efterskolip ataaniippoq Illunnguit eqqaanni.

Ukioq innuttaasunik tusarniaanermi taasisitsigatta amerlanerit taanna inissisimaffik toqqarpaat.

Naatsorsuutigineqarpoq juulimi 2015-imi naammassereertussatut.



Innersuussut

Kommunalbestyrelsimut innersuussutigineqassaaq, suliaq tusaatissatut tiguneqassasoq.

Aalajangiineq

Ilanngussaq

1. Gideon Lyberthip maajip 11-ani 2014-imi allagaa.

Imm. 18 Apequteqaat – Maniitsumi Nipilersornermut ilinniarfissaq

Journalnr.

Tunuliaqutaq

Kommunalbestyrelsimi ilaasortap Gideon Lyberthip, Maniitsumi Nipilersornermut ilinniarfissaq pillugu apequteqaat maajip 11-ani 2014-imi e-malikkut nassiuppaa.

Naluneqanngitsutut aalajangerneqarnikuuvoq Maniitsumi nipilersornermut ilinniarfeqalissasoq. Tassungalu tunngatillugu paasserusunneqarpoq pilersaarut sumut killinnersoq aammalu nipilersornermut ilinniarfiup inissiffissaa qaqugu iluarsaanneqassanersoq.

Pissutsit atuuttut

Ilinniartitaanermut immikkoortortamiit nalunaarutigineqarpoq, meeqqerivikup Aja-p siunissami qanoq atornissaa misissorneqartoq, siunnersuutaasullu arlallit akornanniilluni Nipilersornermik ilinniarfik

Innersuussut

Kommunalbestyrelsimut innersuussutigineqassaaq, suliaq tusaatissatut tiguneqassasoq.

Aalajangiineq

Ilanngussaq

1. Gideon Lyberthip maajip 11-ani 2014-imi allagaa.

Imm. 19 Utoqqaat Angerlarsimaffiata allissutissaa - Ileqqaaruteqarnissamut periarfissat aningaasaliussat 16 mio. kr.-nik annertussuseqartut sippunnginnissaat pillugu passissutissiissut

Journalnr.

Tunuliaqutaq

Qeqqata Kommunia Namminersornermilu Oqartussat katillugu 16 mio kr.-nik aningaasaliissuteqarsimapput Sisimiuni Utoqqaat Angerlarsimaffiata allissutissaanut upernaq manna 2014 aallartittussamut atugassanik.

Suliariumannittussarsiuussinerullu ulloq 31. marts 2014 ingerlanneqartup inernerisaa toqqamma-vingalugu, aningaasaliissutit 2.859.556,00 kr.-nik sipporneqarsimapput, tamannalu pissutigalugu Teknikimut- avatagiisimullu sullissivik ileqqaarniutaasinnaasunik suliaqarsimavoq aningaasaliissutit 16 mio. kr. naapertuuttikkumallugit, aammalu Ilaqutariinnermi sullissivik piumaffingalugu tamatumap Ilaqutariinnermi Ataatsimiisitamat saqqummiunneqarnissaanik, inassutigalugulu ataatsimiisitap tungaaniit qanoq iliortoqarnissaanik oqariartuuteqartoqassasoq.

Inatsisitigut toqqammavigisat

Namminersornermi Oqartussat aningaasartuutissat pillugit Inatsisaat Qeqqata Kommuniata ukioq 2014 ukiunullu tullernut aningaasaliissutitigut missigersuutai

Pisut maannakkut atuuttut

Suliamik sanaartortitsisussat pilersaarusiornissaannut sanaartornissamut ataatsimiisitamik pilersitsisoqarsimavoq Qeqqata Kommuniata Ilaqutariinnermut sullissivianit aammalu utoqqarnut sullissivimmiit inuttaqartunik, ilaatigut makkuusunik: utoqqarnut sullissiviup pisortaa, Utoqqaat Angerlarsimaffiata pisortaa, pillorissaasoq kiisalu Teknikimut- avatagiisimullu sullissivimmiit inuit pingasut, suliamillu aqutsisut Rambøll Grønland A/S marlunnik aallartitaqarpoq.

Allissutissaq makkunannga sanaartugassartaqarpoq: init arfineq marluk, elevatori, pujortartarfik, sulisut atisalersortarfiat, qerititsiveqarfik, pequusivik kiisalu anartarfik.

Soorlu qulaani nalunaarutigineqareertoq ulloq 31. marts 2014 suliariumannittussarsiuussisoqarpoq, tamatumalu inernerivaa aningaasaliissutit sipporneqarsimallutik annertussuseqartumik kr. 2.859.556,00.

Teknikimut- avatagiisimullu sullissivik maani Sisimiuni ileqqaarniutissatut periarfissanik suliaqarsimapput aningaasannorlugu annertussuseqartunik **kr. 4.457.754,00** taannalu ilanngullugu nassiunneqarpoq takussutissiarineqarluni. Naatsumik oqaatingalugu makkua ileqqaarniutigineqarsinnaasutut periarfissaasinnaapput:

1. Elevatoreqarfiup sulluusartaata atortussaasa betoniusut annikillisinnerat
2. Elevatorip liftmik taarserneqarnissaa
3. Kangimut allissutissaata annikillisinneqarnera, tassa makkua peerlugit: pujortartarfik, sulisut atisalersortarfiat, qerititsiveqarfik, pequusivik aammalu anartarfik
4. Init arfineq marlunniit tallimannngortillugit
5. Ileqqaarniutaasinnaasut allat, matumani sanaartornermi atortussat allannngortinnerisigut

Ileqqaarniutissatut periarfissat ataasiakkaarlugit piiarneqarsinnaapput imaluunniit arlariikkaarlugit, taamaattorli imm. 1 aamma imm. 2 imminnut ataqtigiipput.

Ulloq 06. maj 2014 Utoqqaat Angerlarsimaffianut utaqqisutut allatsissimapput 25-it, taakkunanngalu utaqqisut 9-t sukkulluunniit ima ajorseriarsinnaapput, allaat piaartumik inissaannik noqqaassunneqarsinnaallutik.

Aningaasatigut allaffissornikkullu kingunipiluit

Ileqqaarniutissatut periarfissat tamaasa atorlugit ileqqaartoqaraluarpat, taava utoqqaat angerlarsimaffiata allissutissaa akeqassangaluarpoq kr. 14.401.799,00, tassalu imaappoq Qeqqata Kommunia Namminersornermilu Oqartussat katillugu aningaasanik kr. 1.598.201,00-nik ileqqaaruteqassagaluarp.

Ileqqaarniutissatut periarfissat tassaapput teknikimut tunngasunik suliaqartut periarfissatut isumaqarfisinnasaat, imaanngitsoq atuisut sinnerlugit kissaatigisaninngaaneersut.

Ileqqaarniutissatut periarfissat atorlugit sanaartugassaq suliarineqaralaruni, tamatumap malitsigissavaa sanaartornissamut pilersaarutip ajorseriarnera, kisianni aamma avataaniittut allat eqqorneqassapput, soorlu utoqqarnik sullissiviit utoqqaat angerlarsimaffiata amerlanerusunik ineqalernissaa-nik suliniutaa ajorseriartinneqassaaq kinguaattoortitsillunilu, tamatumalu kingunerisinnaavaa sullitanut akisunerulersoqarsinnaanera soorlu peqqinnissaqarfimmut akiliutinut aammalu angerlarsimaffimmi ikiorteqartitsinerup taamatutaaq tapersersorteqarnermi aningaasartuutinut. Tamatumap saniatigut utoqqaat angerlarsimaffiata sullissinermi aningaasartuutai qaffassapput, soorlu pequusivik qerititsiveqarfillu peerneqassagaluarpata, tassami utoqqaat angerlarsimaffiat isumalluarsimagaluarpoq pequusiveqarnikkut qerititsiveqarnikkullu pitsanngoriaatit kinguneriumaaraat, avataaniit pisianik tikisitsisarneq nioqqutissanik annertuukkuutaartunik pisisalersinnaagaluartoq.

Atuilluartuunissaq pillugu kingunerisinnaasai

Pilersaarut piviusunngorluni atorneqassangaluarpat, qerititsiveqarfillu nutaaq illup teqeqquani nillertumi qerititsivearaqarfikoq kælderimi kialaartumi inisseqqasoq taarserlugu pilersinneqaraluarpat, tamanna kallerup inneranik atuinikinnerulersitsisinnaagaluarpoq.

Pilersaarutaasutut elevatori pilersinneqaraluarpat taava pisiat eqqussuunniarnerini sulisunut oqinneerarsuamik qamutit ajattortakkat atorlugit parkeringspladsemiit elevatorimukaateriarlugit qummut majuunneqartarsinnaagaluarput, ullumikkut ileqquusoq igalaaq ammarlugu pisianik eqqussuineq taarserlugu.

Allaffissornikkut naliliinerit

Utoqqarnut sullissiviit Sisimiuniittut ukiorpaalunni suliat pillugit ersersitsiniaasarput utoqqarnik sullissinermi neqeroorutit sullissinerillu qanoq ittuunerannik. Ataasiaannaratik oqaaseqaatinik saqqummiussisarsimapput utoqqaat inuunerannut ajornartorsiutit immikkuullarissut pillugit, qanorlu iliornikkut ajornartorsiutit tamakkua qaangerniarneqarsinnaagaluartut. Eqqaaneqarsinnaasut ilagivaat utoqqaat ullumikkut qanoq najugaqarnerat pillugu allaaserineqartartut, Sisimiunilu suut inissiat angerlarsimaffiillu neqeroorutaasinnaaneersut, aammalu utoqqaat immikkut pisariaqartitsisut tamarmik ulloq unnuarlu angerlarsimaffimmut neqeroorfigineqarnissaat naammattunik inissaqartinneqarnersoq.

Utoqqarnut sullissiviit paasinnittaasiat tunngavigalugu, utoqqaat atugaat pillugu matumani aningaasaqassuseq eqqarsaatigalugu, piorsaanissaq pisariaqartoq utoqqarnut inissiat utoqqaallu angerlarsimaffeqarnerat eqqarsaatigalugu. Tamannami pisariaqarpoq, tassami pitsanngorsaaju-arnissaq pisariaqarpoq tamanna ineriartornerup nassatarimmagu, aammalu takussutissaqarlualereermat utoqqaat ukioqqortusigaluttuinnartut. Inuttut atukkat allanngorsimapput, nappaatit suliarineqartarnerat pillugu pikkorinnerulertoqarsimavoq, utoqqaat amerliartorput ukioqqortusiar-tortut, inuiaqatigiillu atortorissaaruteqarnikkut piorsarsimanerat pitsanngoraluttuinnarpoq, kisianni suli utoqqarpassuaqarpoq sakkortuumik atugaqarsimasunik, aammalu utoqqarpassuaqarpoq inuunerup ingerlaarnerani atornerluisuusimanerup kinguneranik ajornartorsiuteqartunik, soorlu imaannaanngitsunik nappaateqalersimasunik, tamannalu inuiaqatigiinnut akitsoraluttuinnarpoq.

Maannakkut Utoqqaat Angerlarsimaffiat 35-nut inissaqarpoq, kisianni utaqqisut 25-upput, taakkunanga 9-t sukkulluunniit inimik atorfissaqartitsileriaannaallutik. Siusinnerusumut naleqqi-ullugu ininik atorfissaqartitsillutik ilaqutaasut saaffiginnittorsuujunnaarsimagaluarput, soorlu ataartik / anaanartik aatartik / aanartik sinnerlugu inissarsiuusunik, kisianni sukkulluunniit piso-qarsinnaavoq, kinaluunniit peqqissutsimigut ajortumik eqqorneqarsinnaavoq, tamatumalu kingu-neranik nammineq angerlarsimaffigisamini allaat najugaqarsinnaajunnaarluni.

Suli ulloq unnuarlu angerlarsimaffimmi ikiorteqartitsineq atorlugu sullissinissamut ungasimmat, utoqqaat angerlarsimaffiani ininik amerlanerusunik pisariaqartitsineq ingerlajuartussaavoq, utoq-qalinersiutillillu inissiaannik sanaartortoqartuaraluartoq, amerlapput utoqqaat angerlarsimaffianut nuuttussatut nalilerneqarsinnaasut.

Ileqqaarniutissatut periarfissat atoraanni sanaartorneq ilumut akikinneeersuannngorsinnaavoq kisianni m²-mut akia akisuvoq. Aamma ajunngilaq sanaartorneq akikinnerusinnaappat, kisianni kingusinnerusooq eqqarsaatingalugu tamanna kommunimut akisoorujunngorsinnaavoq. Allaffissor-nikkut nalilersuinerit tunngavigalugit sanaartornerup ileqqaarniuteqarfigineqarnissaa orniginartin-neqanngilaq, pissutigalugu tamanna ininik atortorissaaruteqarfiusussat aammalu najugaqartunut inissat ajorseriarnerannik kinguneqartussaammat.

Taamaattumik utoqqarnut sullissiviit inassutigerusuppaat, Ilaqutariinnermi sullissiviup / utoqqarnut sullissiviup aammalu Ilaqutariinnermi ataatsimiisitap ataatsimoorlutik siunnersuummik saqqum-miissasut qanoq pisoqarsinnaanerani oqariartuuteqartumik.

Namminersornermi Oqartussaniit tapiissutit m²-mut akit malillugit tapiissuteqanngillat, soorlu tamanna utoqqarnut inissanut atorneqartartoq, kisianni sanaartukkap qanoq akeqarnissaata kommunimit missigersuusiarineqarsimasup affaa toqqammavigalugu, tassa 50% atorlugu tapiissuteqarpoq. Kommuni ulloq 16. august 2011 akuerineqarpoq sanaartugassap 16 mio. kr.-nik naleqartup affaanik tassalu 50%-mik tapiiffigineqassasoq, immaassinnaavorli Namminersorlutik Oqartussat sanaartornissamut neqeroorutit akisunerunerat pissutigalugu tapiissutitik alligaat, kisianni aatsaat tamanna kommunimiit qinnutigineqassappat. 2011-mi akit ullumimut naleqqiullugit 7%-mik qaffassimapput aningaasanngorlugit 560.000 kr., taakkualu qinnutigineqarsinnaapput.

Allaffeqarfiup innersuussutaa

Sisimiuni Ilaqutariinnermut immikkoortortamiit innersuussutigineqarpoq, Ilaqutariinnermi sullissivik utoqqarnillu sullissivik Ilaqutariinnermi ataatsimiititaliaq peqatigalugu siunnersuummik saqqummiissasut qanoq pisoqarsinnaanerani oqariartuuteqartumik.



Ilaqutariinnermi ataatsimiititaliami suliap suliarinera

Ilaqutariinnermut ataatsimiititaliap aalajangiuppaa sipaarutissatut siunnersuutit akuerineqassasut init ikilineqarnissaat kisiat pinnagu. Sipaarutissat ilanngaatigereerlugit 1.1 mio.kr.-it sulii amigaataasut pillugit affai Namminersorlutik oqartussanut qinnutigineqassapput sinnerilu Aningaasaqarnermut ataatsimiititaliamut Kommunalbestyrelsimullu qinnutigineqassapput.

Qullersaqarfimmit ilassuteqaatit

Qullersaqarfik isumaqarpoq, Namminersorlutik Oqartussanut saaffiginnittoqassagaluarpat kinguneqarnaviangitsoq, taamatullu alliliinissamik kinguartitseqqiineruinnassasoq. Entreprenør it maajip naaneranut aalajangiusimasussaanerat qaangiutsinnagu, Namminersorlutik Oqartussanit akuersissummik pissarsiaqarnissaq angumerineqarsinnaangilaq.

Tamanna tunngavigalugu qullersaqarfik sanaartornermut annertunerusumik paasissutissanik ujjartuivoq, pingaartumik kommunip utoqqaat angerlarsimaffiisa marluusut assigiissaarneqarnissanut tunngatillugu. Assigiinngissutsit arlaqarput, tassaallutik:

Maniitsumi najugaqartunut pujortartarfeqanngilaq, taamaattorli silami illuaqqamik pujortartarfeqarluni. Sisimiuni inini tamani maskiinanik silaannarissarfeqannginnera patsisaalluni, illup iluani najugaqartunut pujortartarfeqarpoq. Maniitsumilu inini tamani maskiinanik silaannarissarfeqarpoq. Sisimiuni alliliinissamut pilersaarutini illup iluani maannakkut pujortartarfik peerneqassaaq naapertuunnerusumullu nutaamik inisiisoqassalluni.

Inini pujortartarnermi najugaqartunut sulisunut ajoqutaanerata annikillisinnissaa eqqarsaatigalugu, siunissamut qaninnerusumut najugaqartunut pujortartarfeqarnissaq qullersaqarfimmit pisariaqartutut isigineqarpoq. Najugaqartut amerlasuut iniminna pujortartarneraniit, amerlanerit pujortartarfik maskiinanik silaannarissarfik pujortassagunik pitsaanerussaaq. Siunissaq ungasinnerusoq eqqarsaatigalugu, inini nutaannginnerusuni maskiinanik silaannarissarfilersorneqarnerat ilutigalugu, illup iluani pujortartarfik atorunnaarsinneqartariaqassaaq.

Maniitsumi utoqqaat illuani quleriinnut tamanut liftimik pilersitsisoqarnikuuvoq, taamaakkaluortoq quleriinnut tamanut innarluutilinnut appakaaffissaqarpoq. Ajoraluartumillu lifti akulikittumik ajortikulasuuvoq. Sisimiuni quleriinnut tamanut innarluutilinnut appakaaffissaqanngila, tamannalu tunngavigalugu elevatori/lifti nioqqutinik assartuussinernut atorneqassaaq, pisariaqarfiinilu najugaqartunik siniffilerlugit peqqissaavimmuut uninngatitsiartulernermi assigisaanullu aamma atorneqartassalluni.

Qullersaqarfik isumaqarpoq, Maniitsumi liftimik ajornartorsiuteqarneq eqqarsaatigalugu, Sisimiuni elevatori pingaarnertinneqartariaqartoq.

Sisimiuni Maniitsumilu najugaqartunut sulisunullu pissutsit tunngaatigut sanilliussissagaanni, taava Sisimiuni utoqqaat angerlarsimaffiat qanganisaanerusuuvoq, najugaqartunut sunngiffimmi ataatsimoorussamillu sammisaqartitsinissami inissaaleqartuulluni, taamatullu sulisunut pisatsersornermut pissutsit naammaginartuunatik. Najugaqartut amerliartortinneqartarneranut aamma eqqarsaatigalugu, sulisunut pissutsit annertusiartortinneqarneq ajornerat aamma isiginiarneqassaaq.

Qullersaqarfik isumaqarpoq, ilaqutariinnermut ataatsimiititaliap init amerlanerpaaffimminiisinneqarnissaasa attatiinnartinneqarnissanut innersuussutaa pingaaruteqartoq. Tamannalu naammassineqassaaq. Najugaqartunut sulisunullu sunngiffimmi ataatsimoorussamillu sammisaqartitsiniarnermut pissutsit annertusarneqartariaqartut qullersaqarfimmit aamma isumaqarfigineqarpoq. Najugaqartut pisariaqartitaat sulisunit pisariaqartitanit pingaarnertutisisoqartariaqarpoq. Taamaallunilu illoqarfiit akornanni annertuumik aamma assigiissaarisoqassaaq.



Illoqarfinni marluusuni sulisunut pissutsit pillugit kvadratemiiterinik sanilliussinerit tullinnguuttumi ingerlanneqarput, Sisimiuni sulisunut pissutsinut atatillugu ileqqaaruteqarnermi, sunngiffimmi sammisaqartitsivimmik 23 m²-mik pilersitsinissamut siunnersuummi nutaami kolonne kingullermi pilersaaruteqartoqartoq takuneqarsinnaavoq.

	Maniitsoq	Sisimiut maannakkut	Sisimiut siunissami	Sisimiut siunissami aaqqitaq
Atisaajartarfik, angutitut	11,6	10	10	10
Atisaajartarfik, arnanut	25,7	14	37	26
Qerititsiveqarfik	14,4	12	23	23
Nillataartitsiveqarfik	10,4	0	6	6
Nerisassanut toqqorsivik	11,5	0	23	23
Toqqorsivik + qerititsiviit	0	22	28	16
Igaffiup silarlia	12,9	29	29	29
Igaffik + erruisarfik	45,2	73	73	73

Atisaajartarfik	37,3	24	47	36
Qerititsiveqarfik toqqorsivillu	36,3	34	80	68
Iggaviit	58,1	102	102	102
Katinneri	131,7	160	229	206

Qullersaqarfiup innersuussutaa

Qullersaqarfiup innersuussutigaa, aningaasaqarnermut ataatsimiititaliaq kommunalbestyrelsilu sinnerlugit borgmesterimit akuerineqassasoq,

Suliariumannittussarsiuussinerup inernerani matut nammineeirlutit ammartartut (imm. 2-mi ilanngussaq 1), aneerasaartarfik (imm. 4 ilanngussaq 1) kiisalu betongip ilaa (imm. 0 ilanngussaq 1) sipaarutigineqassasut

Kangiatungaani illup uiguani atisaajartarfik 23 m²-mik annertussuseqartoq, najugaqartunut sunngiffimmi sammisaqartitsissarfittut allannngortinneqassasoq

Konto 74-11-10-50-61 atorlugu Sisimiuni utoqqaat angerlarsimaffiata allilerneqarnissaanut 2.370.000 koruuninik immikkut aningaasaliiffigineqassasoq

Borgmesterip suliamik suliaqarnera

Qullersaqarfiup innersuussutaa borgmesterimit maajip 22-ani 2014-imi akuerissutigineqarpoq.

Aalajangiineq pillugu aningaasaqarnermut ataatsimiititaliaq kommunalbestyrelsilu tullissaanik ataatsimiileruni ilisimatinneqassapput

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussat

1. Ileqqaarutigineqarsinnaasutut periarfissat pillugit TAA-p 30.4.2014-imi allagaa
2. Titartagartaa.

Imm 20 Najugaqarnermut uppersaammik pisisarneq (Qarasaasiaq atorlugu)

Journalnr. 11.20

Tunuliaqutaq

Ukioq 2013-mi kommunit Sullissivik.gl suleqatigalugu assigiinngitsunik qarasaasiaq atorlugu pisisoqarsinnaanermik suliaq suliaarat. Tassani anguniarneqarpoq pisariitsumik pilertortumillu aammalu kommunip allaffianukangikkaluarluni imminut sullissinnaaneq. Nem-id atorlugu qarasaasiakkut pisisinnaangornermi najugaqarnermut uppersaammik aammalu nuunnermut nalunaarsinnaaneq periarfissaangorpoq.

2014-mut missingersuutini kommunip akigitaani takuneqarsinnaavoq najugaqarnermut uppersaammik Qeqqata Kommunianut piniaraanni kr. 50,00-imik akeqartoq.

Maleruagassatigut tunngavissat

Inatsimmut nalunaarut 20. november 2006-meersoq (CPR-mik inatsit) § 51 imm. 2 naapertorlugu Kommunalbestyrelsip akisussaaffigaa, aalajangigassaralugulu akeqartinneqarnissaa akeqartinneqas-sappallu annerpaamilu kr. 52,00-mik akeqartinneqarsinnaavoq.

Pissutsit atuuttut

Ullumikkut kommunip allaffiliarluni karsimilu akileereeraanni aatsaat najugaqarnermut uppersa-
saat tiguneqarsinnaavoq. Periarfissaalissaarli nammineerluni qarasaasiaq atorlugu imminut sullissin-
naaneq.

Kommunini pingasuusuni Qaasuitsup Kommunian, Kommuneqarfik Sermersooq Kommune Kujal-
lermilu aalajangiussimavaat imminut sullilluni najugaqarnermut uppersaamat piniaraanni akeqar-
tinnegassangitsoq. Qeqqata Kommuniata akigitaani akeqarmat isummerfigineqassaaq imminut
sullinermi akeqassanginnersoq kommunit allat assigalugit.

Atuilluarterup kingunerisinnaasai

Saaffiginittut ikilippata allaffissornikkut suliassanut allanut sullissisut piffissaqarnerulissapput
taamaalillunilu sulisut sulinerannut atuilluarterulissalluni, qarasaasiakkut innuttaasoq imminut
sullittalerpat.

Aningaasaqarnikkut allaffissornikkullu kingunerisinnaasai

Qarasaasiakkut innuttaasup imminut sullinneranut allaffissornikkut kommunimi sulisumut oqilisaa-
taassaq, ornigulluni sullinneqartut ikilissammata.

Qullersaqarfiup oqaaseqaatai

Soqanngilaq

Allaffeqarfiup naliliinera

Qeqqata Kommuniani allaffeqarfiup nalilerpaa innuttaasup imminut sullinneranut innuttaasumut
Kommunimullu ajungetigissagaa, pilertortumik piffissamillu tamanut atuilluarfiusumik najugaq-
arnermut uppersaammik pisisoqarsinnaalissammat. Innuttaasumut pilerinarnerulissaaq sumiikka-
luaraanniluunniit qarasaasiakkut imminut sullissinnaalernissaaq taamatullu akeqanngitsumik
pisisinnaangornissamut periarfissaalissammat.

Innuttaasulli imminut sullinnissamut periarfissaqanngitsut, tassa qarasaasiaq atorlugu pisisinnaan-
ngitsut, Kommunip allaffianut saaffiginillutik sullinneqartassapput, tamannali akigitat malillugit
akeqassalluni. Akeqartitsinerup tunngavigaa sullinneqarnermut akiliuteqartarneq.

Allaffeqarfiup nalilerpaa qarasaasiakkut innuttaasup imminut sullinneranut, kommuunit allat
assigalugit akeqartitsissangitsoq.

Allaffeqarfiup innersuussutaa

Allaffeqarfiup Aningaasaqarnermut ataatsimiititaliamut innersuussutigaa Kommunalbestyrelsimut akuereqqullugu ingerlateqqissagaa: Qarasaasiakkut innuttaasup imminut sullinneqarneranut akeqartitsissanngitsoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 20-ani 2014-imi ataatsimiinnermini allaffeqarfiup innersuussutaa akuersissutigivaa.

Borgmesterip suliamik suliaqarnera

Kommunalbestyrelsi sinnerlugu borgmesteri maajip 20-ani 2014-imi aalajangiivoq,

Qarasaasiakkut innuttaasup imminut sullinneqarneranut akeqartitsissanngitsoq

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussaq

1. CPR-mik inatsit
2. Qeqqata kommuniani akigititat allattorsimaffiat 2014-moortoq

Imm. 21 Tamalaat